



十三經注疏

左傳二十一

仁12  
476  
91

九十一



門 12  
號  
卷

附釋音春秋左傳注疏卷第五十二

昭  
有  
十六年  
十八年

杜氏注

孔穎達疏

經二十有六年春王正月葬宋元公三月而葬速○

三月公至自齊居于鄆公至自齊。正義曰：往于野井，公未必往。至齊都而云至自齊者，得與齊侯相見，雖從齊竟而來，亦是自齊也。穀梁傳云：公次于陽州，其曰至自齊，何也？以齊侯之見公，可以言至自齊是也。公不得歸其國，都而書至者，賈云：季氏示欲為臣，故以告廟。○夏公

圍成成孟氏邑，不書齊師帥賤。帥所類反。○秋公會齊侯莒子

邾子杞伯盟于鄆陵鄆陵地闕。鄆音專。又市轉反。一音徒丸反。公至

自會居于鄆無傳○九月庚申楚子居卒未同盟而赴以

名○冬十月天王入于成周傳言王入于朝，奔後經在前者，子朝來告晚

○冬十月天王入于成周傳言王入于朝，奔後經在前者，子朝來告晚

15  
18  
91

疏

天王入于成周。正義曰二十三年七月天王居于狄泉自爾以來單于劉子來以東西雖不出王畿而居無定所此時始得入于成周遂以成周為都來告故特書之案傳子朝奔楚及王入成周皆在十一月經書王入成周子朝奔楚皆在十月者從告也劉炫云杜以朝既奔楚王始得入入必在朝奔後經書王入在前傳有告于諸侯之語故以為王告入在前朝告奔在後故先書王入

以王子朝奔楚

召伯當言召氏經誤也尹召族奔非一人故言氏書奔在王入下者王入乃告

諸侯

注召伯至諸侯。正義曰傳言召伯盈遂王子朝朝侯及召氏之族奔楚召伯逆王于尸與王入于成周則召氏族出奔召伯身不奔也知召伯當為召氏經誤也宣十年崔氏出奔書崔氏者非其罪也此尹氏召氏立庶篡適並為有罪而亦書氏者彼實崔杼身奔非是舉族盡出但於例諸侯之卿出奔者有罪則名無罪則不名崔杼不合書名因其來告以族遂書崔氏示杼無罪也此尹氏召氏舉族悉奔據實而書與彼有異故注云尹召族奔非一人故言氏所謂文同而意異也子朝奔王乃得入書奔在王入下者王入乃告諸侯也劉炫云杜上注云子朝來告晚何為此注又云王

入乃告諸侯以二注不同將為杜失今知不然者杜意王入乃告謂王入之後子朝乃告杜以傳云癸酉王入于成周癸未王入于莊宮始云王子朝使告諸侯是王入之後子朝告諸侯也劉以為王入乃告據王告諸侯而規杜失非也

傳二十六年春王正月庚申齊侯取鄆

前年已取

鄆至是乃發傳。疏。注前年至鄆起。正義曰杜謂往年已者為公處鄆起。取鄆此又發傳言齊侯取鄆者為下三月公處鄆以發端也。服虔以為往年齊侯取鄆實圍鄆耳。經於圍書取傳實其事。故於是言取劉以服言為是。往年十二月庚辰圍鄆。今年正月庚申取之。凡三十一日。例書取言易此圍乃取言易者。齊侯取以居公。臣無拒君之義。若魯自與之。然故書取以見其易。穀梁曰。○葬宋元公如先君以其為公取之。故易言之是也。

禮也

善宋人違命以合禮。○三月公至自齊處于鄆言魯

地也

入魯竟故書至猶在外。故書地。○竟音境。夏齊侯將納公命無

受魯貨申豐從女賈

豐賈二人皆季氏家臣。女音汝。

以幣錦二

兩

二丈為一端二端為一兩所謂匹也二兩二匹

縛一如瑱

瑱充耳縛卷也急卷使如充耳易懷

藏。縛直轉反瑱

疏

注瑱充耳。正義曰家語云水至清則無魚人至察則無徒故人君冕而

前旒所以蔽明鞋續塞耳所以蔽聽又詩云王之瑱也禮以一條五采橫冕上兩頭下垂繫黃絲絲下又縣玉為瑱以塞

耳適齊師謂子猶之人高齧

齧子猶家臣子猶梁丘據。齧魚綺反

能貨子猶為高氏後粟五千庾

言若能為我行貨於子猶當為

請使得為高氏後又當致粟五千庾庾十六斗凡八千

疏

解。庾羊主反能為于偽反下當為下文為魯君同。乘十六斛今江淮之間量名有為籩者今文籩為逾杜據儀禮今文故以庾為十六斗五千庾凡八千斛考工記陶人為庾實二殼厚半寸唇寸其下文旒人云豆實三而成殼則殼受斗二升庾實二殼則受二斗四升也彼陶人所作高齧

以錦示子猶子猶欲之齧曰魯人買之百兩

一布以道之不通先入幣財

言魯人買此甚多布陳之以百兩為數

子猶受之言於齊侯曰羣臣不盡力于魯君

者非不能事君也

欲行其說故先示欲盡力納

然

據有異焉

異猶怪也

宋元公為魯君如晉卒於曲

棘叔孫昭子求納其君無疾而死不知天之

弃魯耶抑魯君有罪於鬼神故及此也君若

待于曲棘使羣臣從魯君以卜焉

卜知可

疏

君若待于曲棘。正義曰宋公佐卒于曲棘者杜云曲棘宋地陳留外黃縣城中有曲棘里今齊侯欲納魯君當是從齊向魯必不遠涉宋地子猶令齊君待于曲棘必使止於竟內土地名齊地無曲棘十年傳桓子召子山而反棘焉杜云齊國西安縣東有戟里亭此即彼棘也若可師有濟也本無曲字涉上卒于曲棘誤加曲耳

君而繼之茲無敵矣若其無成君無辱焉齊

侯從之使公子鉏帥師從公鉏齊大夫。鉏仕居反。成大

夫公孫朝謂平子曰有都以衛國也請我受

師許之以成邑禦齊。師。朝如字。請納質。恐見疑。質音致。弗許曰信

女足矣告於齊師曰孟氏魯之敝室也做壞也。女音。

汝用成已甚弗能忍也請息肩于齊公孫朝詐。齊師言欲。

降使來取成。齊師圍成人伐齊師之飲馬于

溜者曰將以厭衆以厭衆心不欲使知已降也。溜水。出泰山梁父縣西北入汝。飲於。

魯成備而後告曰不勝衆鳴反。溜測其反厭於舟。反又於葉反。汝音問。

師及齊師戰于炊鼻告齊言衆不欲降已不能勝。勝音升。注同。又始證反。氏

師距公非公命則不書炊鼻魯地。炊昌垂反。齊子淵捷從洩聲子聲子魯大夫。

洩息射之中楯瓦瓦楯脊。射食亦反。下及注皆同。中。列反。丁仲反。下中手同。楯常允反。又音允。

脊子繇胸沃輶七入者三寸入楯瓦也。胸車輶輶車。輶繇過也。沃矢激也。七矢。

亦反鏃也。繇音由。胸其俱反。本又作胸。同沃他達反。輶陟留。疏。

射之至三寸。正義曰射之中楯瓦先言中之處更說矢

來之狀繇車輶矢激從車輶之上其矢之七鏃入著楯瓦者

猶深三寸言其弓力多而矢入深也。注入楯至鏃也。正

義曰此覆說中楯之事故知入者入楯瓦也。說文云輶輶下

曲者襄十四年傳稱射兩輶而還此與彼同蓋胸輶字通用

耳繇卽由也訓爲從也從上而過故言繇過也。宣四年傳云

伯勞射王沃輶注云沃過也。此云沃矢激謂矢激沃其上而

過也傳言七入則七是入楯者也。今人猶謂箭鏃薄而長闊

者爲七是七。聲子射其馬斬鞅殪殪死也。鞅於丈。反殪音於計反。

改駕人以爲驪戾也而助之人魯人也。驪戾。子。叔孫氏司馬。

子

子

子

子

車曰齊人也

子車即淵捷

將擊子車子車射之殪

其御曰又之

又欲使射餘人

子車曰衆可懼也而不

可怒也子囊帶從野洩叱之

囊帶齊大夫野洩即聲子。此昌實

反洩曰軍無私怒報乃私也將亢子

欲以公戰禦之不欲

私報其叱。亢苦浪反下同

又叱之

子囊復叱之。復扶又反下復欲同

亦叱之

也言齊無戰心但相叱

冉豎射陳武子中手

冉豎季氏臣

失弓而

罵

武子罵。罵馬嫁反

以告平子曰有君子白皙鬢鬚眉

甚口平子曰必子彊也無乃亢諸

子彊武子字。皙星歷反鬢之

忍反黑也鬚本又作須脩于反

疏

鬢鬚眉甚口。正義曰說文云鬢稠髮也鬢鬚眉者言鬢眉皆稠多也甚口者

謂大對曰謂之君子何敢亢之

偽言不敢違季氏

林雍

羞為顏鳴右下

皆魯人羞為右故下車戰

苑何忌取其耳

何忌齊大夫不欲殺雍但截其耳以辱之。苑於阮反

顏鳴去之

其右見獲懼而去之

子之御曰視下顧

復欲使苑子擊其足

苑子刺林雍斷

其足鑿而乘於他車以歸

鑿一足行。刺芳弗反說文云擊也又父勿反

又忿勿反斷丁管反鑿遣政反又音磬又苦頂反字林丘貞反

疏

刺林雍。正義曰說文云刺擊也字從刀謂以

擊也今江南猶謂刀擊為刺。注鑿一足行。正義曰既斷其足而云鑿知鑿是一足行也說文云鑿金聲也蓋擊金為

名鑿顏鳴三入齊師呼曰林雍乘

言魯人皆致力於季氏不以私

怨而相奔。呼火故反乘繩證反

○四月單子如晉告急五月戊

午劉人敗王城之師于尸氏

劉人劉蚩之屬王城子朝之徒尸在鞏縣

西南偃師城

戊辰王城人劉人戰于施谷劉師敗績

施谷周地 ○秋盟于剽陵謀納公也齊侯 ○七月己巳

劉子以王出師敗懼 疏劉子以王出。正義曰二十三年傳云六月庚寅單子劉

子樊齊以王如劉蓋從劉而居狄泉自狄泉又居於劉今為子朝所逐蓋自劉而出也服虔云出成周也案二十三年天子居于狄泉狄泉雖近成周成周不屬王也其傳云召伯奭南宮極以成周人成尹二十四年傳云王子朝用成周之寶珪于河是周常屬子朝之驗也二十五年黃父之會趙簡子令諸侯之大夫云明年將納王納王者欲納之於成周耳若敬王先在成周無為更須納之知此出者從劉出耳王既棄劉而去故王城人焚劉 庚午次于渠

渠周地 王城人焚劉燒劉子邑 丙子王宿于褚氏洛陽縣南

有褚氏亭。褚張呂反一音勅呂反 丁丑王次于萑谷庚辰王入于

胥靡辛巳王次于滑萑谷胥靡滑皆周地胥靡滑本鄭邑。萑音丸本又作萑古亂

反 疏注萑谷至鄭邑。正義曰王雖未有安居終亦不出畿內知此皆周地也襄十八年楚人伐鄭傳稱公子

格率銳師侵費滑胥靡是本為鄭邑今為周邑也 晉知躒趙鞅帥師納王使

汝寬守關塞女寬晉大夫關塞洛陽西南伊闕口也守之備子朝。知音躒音歷女音汝本亦

作汝塞素代反 ○九月楚平王卒令尹子常欲立子西子西平王之長庶。曰大子壬弱其母非適也

長丁丈反下文同 王子建實聘之子西長而好善立

長則順建善則治王順國治可不務乎子西

怒曰是亂國而惡君王也言王子建聘之是章君王之惡。好呼報反治直吏

反下 國有外援不可瀆也外援秦也瀆侵也。侵武諫反 王有適

嗣不可亂也敗親速讎不立壬秦將來 亂嗣不祥

我受其名受惡 賂吾以天下吾滋不從也滋益

也。賂音路。賂吾至從也。正義曰賂吾以楚國何為

必殺令尹令尹懼乃立昭王。冬十月丙申

王起師于滑起發也。滑于八反。辛丑在郊郊子朝邑。遂次于

尸十一月辛酉晉師克鞏知躒趙鞅之師。召伯盈逐

王子朝伯盈本黨子朝晉師克鞏知王子朝及召氏

之族毛伯得尹氏固南宮嚳奉周之典籍以

奔楚尹召二族皆奔故稱氏重見尹固名者為後還見殺

陰忌奔莒以叛陰忌子朝召伯逆王子尸及劉

子單子盟召伯新還故盟遂軍圍澤次于隄上圍澤隄

地。圍魚呂反音低或音啼癸酉王入于成周成周今洛陽甲戌盟于

襄宮襄王之廟晉師成公般戍周而還般晉大夫十

二月癸未王入于莊宮莊宮在王城王子朝使告于

諸侯曰昔成王克殷成王靖四方康王息民

並建母弟以蕃屏周亦曰吾無專享文武之

功不敢專故建母弟。蕃方元反亦作藩疏昔武王克殷。正義曰諸家

王受命武王伐紂故云文武克殷下句云吾無專享文武之

功則合文武是也杜無注諸本悉作武王克殷疑誤也今定

本亦作武王克殷且為後人之迷敗傾覆而溺入于難

則拯救之至于夷王王愆于厥身夷王厲王父也愆惡疾也

難覆芳服反溺乃歷反疏夷王。正義曰諡法安民好靜曰夷諸侯莫不

並走其望以祈王身至于厲王王心戾虐萬



民弗忍居王于彘

不忍害王也厲王之末周

忍至于彘。正義曰周語云厲王虐國人謗王召公告曰民不堪命也王怒得衛巫使監謗者以告則殺之國莫敢言道路以目三年乃流王于彘劉炫案周本紀民相與叛襲厲厲王出奔于彘周語又曰彘之亂宣王在召公之宮國人圍之召公知之乃以其子代宣王言代王則國人謂是宣王國語雖不言殺必殺之矣國人相與襲王王既奔免得王子而殺之若得厲王亦應不舍而杜云不忍害王未必然也當謂不忍者不能忍王之虐也今知不然者下云居王于彘是以理居處厲王于彘又云諸侯釋位以間王政是憂念王政則不忍者是不忍害王也若其必欲殺王應云王奔于彘劉以爲周語云周人欲殺王子召公以子代之則周人欲殺王子何肯不忍害不以爲不忍者不堪忍王惡案周語但云求王子不云求殺之是益橫周語之文而規杜過非也諸侯釋位以間王政與也去其位與治王之政事。間間側疏注間猶至政事。正之間注同一音如字與音預下同疏義曰周本紀云彘之亂宣王在召公之宮國人圍之召公以其子代天子子竟得脫周召二公二相行政號曰共和元年是其釋位與治王

政之也 宣王有志而後效官

宣王厲王子彘之亂宣王尚少召公子取而長之效

授也。效戶教反少詩照反疏注宣王至授也。正義曰下文同長丁丈反下文同疏周語云召公以其子代宣王宣王長而立之周本紀云共和十四年厲王死于彘大子靖長于召公家二相乃共立之爲王是爲宣王是召公長之也共和之年官之政事皆決於二相宣王長而有志堪爲人主二相乃致其官政於王也效者致與之義故注云效授也。

至于幽王天不弔周王昏不若用愆厥位

幽王

宣王子若順也愆失也攜王奸命諸侯替之而建王嗣用

遷邾郛

攜王幽王少子伯服也王嗣宜白也幽王后申姜大子奔申伯與鄩及西戎伐周戰于戲幽王死諸侯廢伯服而立宜白是爲平王東遷邾郛。攜戶圭反奸音干下同

替他計反邾古洽反郛音疏注攜王至邾郛。正義曰鄭辱鄩才陵反戲許宜反疏語稱夏之衰也褒人之神化爲二龍以同於王庭而言曰余褒之二君也夏后卜殺之與去之與止之莫吉卜請其禱而藏之吉乃布幣焉而策告之

龍亡而漦在積而藏之及歷殷周莫之發也及厲王之末發而觀之漦流於庭不可除也王使婦人不禕而諫之化爲玄龜以入於王府之童妾未既亂而遭之既筭而孕當宣王而生不夫而育故懼而棄之時有產謠曰檠弧箕箒實亡周國於是宜王聞之乃有夫婦鬻是器者王使執而戮之夫婦方戮逃在路哀其夜號也而取之以逸逃於褒褒人有獄而以入於王王遂置之而嬖是女使至於后而生伯服周語云幽王伐有褒褒人以褒姒女焉褒姒有寵生伯服於是乎與虢石父比逐太子宜臼而立伯服太子出奔申申人繒人召西戎以伐周周於是亡書傳多說其事此其本也詩序云幽王取申女以爲后後得褒姒而黜申后周本紀云幽王太子伯服爲太子申侯怒乃與繒西戎共殺幽王于驪山之下虜褒姒盡取周賂而去於是諸侯乃即申侯共立故幽王太子宜臼是爲平王東遷徙於洛邑辟戎寇也魯語云幽王滅于戲戲驪山之北水名也皇甫謐云今京兆新豐東二十里戲亭是也劉炫云如國語史記之文幽王止立伯服爲太子耳既虜褒姒必廢其子未立爲王而得呼爲攜王者或幽王死後褒姒之黨立之爲王也汲冢書紀年云平王奔西申而立伯盤以爲太子與幽王俱死于戲先是申侯魯侯及許文公

立平王於申以本太子故稱天王幽王既死而虢公翰又立王子余臣於攜周二王並立二十一年攜王爲晉文公所殺以本非適故稱攜王束皙云案左傳攜王奸命舊說攜王爲伯服伯服古文作伯盤非攜王伯服立爲王積年諸侯始廢之而立平王其事或當然

則是兄弟之能用力於王室也至于惠王天不靖周生頹禍心施于叔帶惠襄

辟難越去王都惠王平王六世孫頹惠王庶叔也莊十九年作亂惠王適鄭襄王惠王子叔帶

襄王弟僖二十四年叔帶作難襄王處汜注惠王平王頹徒回反施以豉反難乃旦反注同汜音凡

正義曰世本云平王生桓王林生莊王佗佗生僖王胡齊齊生惠王涼是六代也惠王生襄王鄭鄭生頃王巨生匡

王班及定王瑜瑜生簡王夷夷生靈王泄則有晉鄭咸

黜不端黜去也晉文殺叔帶鄭厲殺子頹爲王室去

咸黜不端正義曰諸本咸或作滅王肅云咸皆也傳咸以爲七經詩其傳詩有此句王羲之寫亦作咸杜本當然

綏定王家則是兄弟之能率先王之命也在

定王六年秦人降妖定王襄王孫定王六年魯宣八年。妖本又作妖於驕反說文

云衣服謂謠草木之怪謂之妖曰周其有顛王亦克能脩其職諸

侯服享一世共職二世謂靈景。顛子斯反共音恭王室其有

間王位諸侯不圖而受其亂災問王位謂子朝也今子朝以為王猛

受亂災謂楚也今子朝以為晉。問疏在定至亂災。正義曰降者自上而

間廁之間注及下以問先王并注同降妖也然自受其亂災以上皆是妖語至于靈王以下是子

朝演說妖言謂子猛當問王位耳服享言諸侯服從獻國之所有至于靈王生而有

顛靈王定王孫王甚神聖無惡於諸侯靈王景王

克終其世景王靈王子今王室亂單旗劉狄剝亂

天下壹行不若單旗穆公也劉狄劉蚩也壹專也。剝邦角反謂先王何

常之有言先王無常法唯余心所命其誰敢請之帥羣

不弔之人弔至也。弔如字舊丁歷反至也注同以行亂于王室侵

欲無厭規求無度貫瀆鬼神貫習也瀆易也。厭本又作厭於鹽反貫

吉患反易以政反疏規求無度。正義曰俗本作規服王孫皆注皆貪也則此言貪求無

限度本或作規謬也慢弃刑法倍奸齊盟傲很

威儀矯誣先王晉為不道是攝是贊攝持也贊佐也

先王謂景王。傲五報反很戶懇反矯居表反疏倍奸齊盟。正義曰倍即背也

諸侯不有同盟許立子朝單劉未嘗與朝結盟而復背之言單劉倍奸齊盟誣之。注攝持至景王。正義曰是攝言執

持之使不傾危也是贊謂佐助之使得存立也故以攝為持贊為佐也杜以先王為景王則矯誣先王者當謂矯景之命

立猛耳知先王非先世之王者以言矯誣是矯詐誣罔據其  
人有語矯誣之猶今矯稱詔勅若先世之王去此久遠不得  
有立猛之事子朝何得稱矯誣之乎又傳云于景之命故  
杜以先王謂景王劉炫以為先世之王而規杜氏非也 思

肆其罔極肆放也茲不穀震盪播越竄在荆蠻

茲此也此不穀子朝自謂盪本又未**有攸底**底至也攸所也

音旨若我一一兄弟甥舅獎順天法無助狡

猶以從先王之命毋速天罰赦圖不穀赦其憂而

圖其難○獎將丈反狡古卯反猶疏毋速天罰○正義曰

又作滑于八反毋音無難乃且反疏速召也子朝以單劉

為亂從之必有天殃則所願也敢盡布其腹心及

先王之經而諸侯實深圖之昔先王之命曰

王后無適則擇立長年鈞以德德鈞以下此

謂先王之經疏昔先至以下○正義曰先王先世之王不

適下歷反疏斥一人蓋自古以來共如此也襄三十一

年傳曰公薨立胡女敬歸之子子野卒立敬歸之弟齊

歸之子稠穆叔曰大子死有母弟則立之無則立長年鈞擇

賢義鈞則卜古之道也非適嗣何必弟之子彼言大子死立

母弟則此言擇立長謂無母弟者也彼又云子野非適嗣何

必弟之子然則適嗣立而當立弟之子也姪與弟同蓋王

后夫人無姪弟之子乃於諸妾之子擇立長耳年鈞擇賢與

此年鈞以德皆謂母之貴賤等者公羊傳曰立適以長不以

賢立子以貴不以長明母貴則先立也此子朝之母必賤於

猛母故專言立長之義不言母之貴賤何休難年鈞以德之

言云人君所賢下必從之焉能使王不立愛也鄭玄答云周

禮小司寇掌外朝之政以致萬民而詢焉其三曰詢立君其

位王南鄉三公及州長百姓北面羣臣西面羣吏東面小司

寇以敘進而問焉如此則大眾之口王不立愛公卿無

非君所能掩是王不得立愛之法也

私古之制也穆后及大子壽早夭即世在十五年

疏公卿至制也○正義曰三公六卿無得私附王之庶子

而妄立之其意言單劉有私情違古制也何休難云大

夫不世功而并為公卿通繼嗣左氏為短鄭玄云公卿單

劉贊私立少以問先王問錯先王之制亦唯伯仲叔季

圖之伯仲叔季摠謂諸侯閔馬父聞子朝之辭曰文辭以

行禮也子朝于景之命遠晉之大以專其志

無禮甚矣文辭何為傳終王室亂齊有彗星

出齊之分野不書魯不見。彗似歲反又息遂反分扶問反。疏注出齊至不見。正義曰傳言齊有此星而齊

侯使禳之明出齊之分野出於玄枵之次也。彗即字也。文十四年有星孛入于北斗十七年有星孛于大辰彼皆書此不

書者時魯不見。齊侯使禳之。祭以禳除之。禳如羊反。晏子曰無

益也祇取誣焉誣欺也。禳音支。天道不諂諂疑也。諂本又作慝他

刀反。不貳其命若之何禳之且天之有彗也以

除穢也君無穢德又何禳焉若德之穢禳之

何損詩曰惟此文王小心翼翼昭事上帝聿

懷多福厥德不回以受方國詩大雅翼翼共也聿惟也回違也言文王

德不違天人故四方之國歸往之。聿戶橘反。疏詩曰至方國。正義曰詩大雅

心翼翼然共順也。又能明事上天。惟行上天之道。思使自得

得多福其德不有回邪以受四方之國言四方皆歸之。君

無違德方國將至何患於彗詩曰我無所監

夏后及商用亂之故民卒流亡逸詩也言追監夏商之亡皆以亂故

○夏戶雅反注同。若德回亂民將流亡祝史之為無能

補也公說乃止齊侯與晏子坐于路寢公歎

曰美哉室其誰有此乎景公自知德不能久有國故歎也。說音悅下注喜說同

晏子曰敢問何謂也公曰吾以為在德對曰

如君之言其陳氏乎陳氏雖無大德而有施

於民豆區金鍾之數其取之公也薄謂以公量收○施式

政反下出者皆同區烏侯反量音亮下同其施之民也厚謂以私量貸○施如字又始豉

反公厚斂焉陳氏厚施焉民歸之矣詩曰雖

無德與女式歌且舞詩小雅義取雖無大德要有喜說之心欲歌舞之式用也○斂

力驗反疏詩曰至且舞○正義曰陳氏之施民歌

舞之矣後世若少惰陳氏而不亡則國其國

也已公曰善哉是可若何對曰唯禮可以已

之在禮家施不及國民不遷農不移工賈不

**變** 守常業○惰徒臥反本亦作疏 家施不及國○正義曰大夫稱家家之所

施不得施及國人言國人是國君之所有大夫不得士不

妄施遺之以樹已私惠陳氏施及國人是違禮也大夫不收

**濫** 職不失官不滔 滔慢也○滔吐刀反慢武

諫反本又作漫武半反公利 不作疏 大夫不收公利○正義曰尚書洪範曰惟

有作福作威其害于而家因于而國是言作福作威君之利

也大夫不得聚收公利自作福也陳氏作福以招國人之心

收公利也公曰善哉我不能矣吾今而後知

禮之可以為國也對曰禮之可以為國也久

矣與天地並 有天地則疏 禮之至地並○正義曰天地

之氣生於天地之間天地既形人民必育易序卦曰有天地

然後有萬物有萬物然後有男女有男女然後有夫婦有夫

婦然後有父子有父子然後有君臣有君臣然後有上下有

上下然後禮義有所錯是言有天地即有人民有人民即有

禮義有所錯是言有天地即有人民有人民即有

禮義有所錯是言有天地即有人民有人民即有

父子君臣父子相愛君臣相敬敬愛為禮之本是與天地並興君令臣共父慈子孝兄

愛弟敬夫和妻柔姑慈婦聽禮也君令而不

違臣共而不貳父慈而教子孝而箴箴諫也。共音恭下

同箴之林反兄愛而友弟敬而順夫和而義妻柔而

正姑慈而從從不專婦聽而婉婉順也。婉於阮反禮之善

物也公曰善哉寡人今而後聞此禮之上也

對曰先王所稟於天地以為其民也是以先

王上之稟受也疏先王至上之。正義曰先古聖王所治

中以有上下之禮乃可治其天下又禮與天地同貴是以先王上之

經二十有七年春公如齊自郵行。郵音運公至自齊

居于鄆。夏四月吳弑其君僚僚。楚喪故光乘間而

動稱國以弑罪在僚。弑申志反疏注僚亟至在僚。正

注同僚力彫反亟欺冀反罷音皮疏義曰杜數僚之罪以

示無道之驗僚以十六年即位十七年與楚戰于長岸二十

三年伐州來敗楚于雞父其年又使太子諸樊入郢二十四

年滅巢及鍾離此年又因楚喪而伐之是其亟戰民罷又伐

楚喪故光得乘間而動稱國以弑罪在僚也言舉國皆欲弑

之非獨光之罪○楚殺其大夫卻宛無極楚之讒人

故不書光弑○秋晉士鞅宋樂祁犁衛北宮喜曹

人邾人滕人會于扈邾力兮反又○冬十月曹

伯午卒無傳未同盟而赴○邾快來奔無傳快邾命

以名。午音五○邾快來奔邾也故書。

春秋流卷五十三

春秋流卷五十三

春秋流卷五十三

春秋流卷五十三

春秋流卷五十三

春秋流卷五十三

快苦疏注快邾至故書。正義曰邾是小國其臣見於經怪反疏者甚少唯此與襄二十三年邾畢我來奔書者二人而已釋例曰魯之叔孫父兄再命而書於經晉之司空亞旅一命而經不書推此知諸侯大夫再命以上皆書於經自一命以下大夫及士經皆稱人名氏不得見此皆典策之正文也小國之卿或命而禮儀不備或未加命數故不書之邾卑我之等其奔亡亦多所書唯數人而已知其合制者少杜言數人謂此快與卑我及曹公孫會也是言快是邾之命卿備於禮成爲卿故書也快不公如齊自鄆公至自齊書氏蓋未賜族無可稱也

**居于鄆**無傳  
**傳二十七年春公如齊公至自齊處于鄆言**

**在外也**在外邑故書地。○**吳子欲因楚喪而伐之**前年楚

**使公子掩餘公子燭庸帥師圍潛**二子皆王僚母弟潛楚邑

在廬江六縣西南。掩於檢反疏注二子至母弟。正義曰賈逵云然當是相傳說耳未必有正文也三十年傳

此二公子奔楚楚子大封而定其徙子西諫曰吳光新得國若好吾邊疆使柔服焉猶懼其至吾又疆其讎以重怒之無乃不可乎謂此二子爲光使延州來季子聘于上國之讎或當是僚母弟也

季子本封延陵後復封州來疏聘于上國。正義曰服虔故曰延州來。復扶又反云上國中國也蓋以吳辟

在東南地勢卑下中國在其上流故謂中國爲上國也下云遂聘于晉則上國之言不包晉矣當摠謂宋衛陳鄭之徒爲

上國耳亦不知其時聘幾國也經不書未必不至魯檀弓云延陵季子適齊於其反也其長子死葬於贏惇之間鄭玄云

魯昭二十七年吳公子札聘於上國是也如鄭之言此時或聘齊也。注季子至州來。正義曰襄三十一年注云延州

來季札也。此又分拆之言本封延陵後復封州來故曰延州來成七年吳入州來注云楚邑淮南下蔡縣是也十三年吳

滅州來二十三年傳云吳伐州來楚薳越救之則州來未爲吳有不可以封札也釋例土地名延州來關則延陵州來並

闕不知其處杜意當謂吳地別有州來非楚邑也鄭玄云季子讓國居延陵因號焉襄二十九年公羊傳曰季子去之延陵終身不入吳國然則季子雖則讓國猶尚仕爲吳鄉非自竄於彼地吳世家云季札封于延陵故號曰延陵季子杜言



封是也封謂賜之為采邑耳

遂聘于晉以觀諸侯

楚莠尹

然工尹麋帥師救潛

左司馬沈尹戌帥都君子與王馬之

屬以濟師

疏

夫諸侯六閑養馬之人多矣此唯養馬不給餘役今亦事急

而徵使之與吳師遇于窮令尹子常以舟師及沙

汭而還

左尹郤宛工尹壽帥師至于潛吳

師不能退

吳公子光曰此時也弗

可失也

告鱣設諸曰上

國有言曰不索何獲我王嗣也吾欲求之

疏

樊子也故曰我王嗣

如上文聘于上國則賈言是也

諸樊卒有命授弟餘祭祭欲傳以次必致國於札兄弟皆欲致

國令以漸至焉餘祭卒弟餘昧立餘昧卒欲授季札札讓逃

國令以漸至焉餘祭卒弟餘昧立餘昧卒欲授季札札讓逃

國令以漸至焉餘祭卒弟餘昧立餘昧卒欲授季札札讓逃

國令以漸至焉餘祭卒弟餘昧立餘昧卒欲授季札札讓逃

國令以漸至焉餘祭卒弟餘昧立餘昧卒欲授季札札讓逃

國令以漸至焉餘祭卒弟餘昧立餘昧卒欲授季札札讓逃

去於是吳人曰先王有命必致季子今逃位則餘昧後立今卒  
其子當代乃立餘昧之子僚為王公子光者王諸樊之子也  
常以為吾父兄弟四人當傳至季子季子不受光父先立若  
既不傳季子光當立遂殺王僚光代立為王是史記以光為  
諸樊之子僚為夷昧之子也襄二十九年公羊傳曰謁也餘  
祭也夷昧也與季子同母者四季子弱而才兄弟皆愛之同  
欲立之以為君弟兄迭為君而致國乎季子故謁也死餘祭  
也立餘祭也死夷昧也立夷昧也死則國宜之季子者也季  
子使而亡焉僚者長庶也即之闔閭曰將從先君之命與則  
國宜之季子者也如不從先君之命與則我宜立者也僚惡  
得為君乎於是使專諸刺僚世本云夷昧及僚夷昧生光服  
虔云夷昧生光而廢之僚者夷昧之庶兄夷昧卒僚代立故  
光曰我王嗣也是用公羊為說也杜言光與王諸樊子用史  
記為說也班固云司馬遷采世本為史記而今之世本與遷  
言不同世本多誤不足依馮故杜以史記為正也光言王嗣者言已  
是世適之長孫也

**事若克季**  
**子雖至不吾廢也**  
至謂聘還  
**縛設諸曰王可弑也**  
猶言我無若是何  
**疏**  
注猶以老弱託光

**母老子弱是無若我何**  
猶言我無若是何  
**疏**  
注猶以老弱託光

言至託光。正義曰古人言有顛倒故杜以為是無若我何  
猶言我無若是何恐已死之後不能存立欲以老弱託光也  
彭仲傳云當言是無我若何我母無我當如何我字當在若上

**光曰我爾身也**  
言我身猶爾身

**夏四月。光伏甲於堀室而享王。**  
堀地為室。堀本又作窟。同。苦忽反。掘其勿反。又其月反。

**王使甲坐於道及其門。**  
坐道邊。至光門。

**席皆王親也。夾之以鉞。羞者獻體。改服於門外。**  
羞進食也。獻體解衣。夾古洽反。又古協反。下同。鉞音皮反。說文云。劔也。門至階。從階至戶。從戶至席。皆是王之親兵也。鉞。正義曰。言從鉞。正義曰。說文云。鉞。劔也。則鉞是劔之別名。

**執羞者**  
正義曰。言從

**坐行而人執鉞者夾承之。**  
承執羞者

**及體以**  
承執羞者

**相授也。**  
鉞及進羞者體以所食授王

**疏**  
及體以相授。正義曰。鉞之鋒刃及進羞者體也。王之左

**光僞足疾入于堀**  
右必更有人受羞以進王。故言相授也。雖則相授進羞者得至王所。

室

恐難作王黨殺已素辟之。難乃旦反。

鮪設諸寘劍於魚中以

進

全魚炙。寘之。疏

注全魚炙。正義曰吳世家云鮪

諸置匕首於炙魚之中以進食手

匕首刺王僚七首者劍首如

匕匙手七首謂執七首也。

抽劍刺王鉞交於胃

諸胃。抽剌留

反刺七亦反。

遂弑王闔廬以其子為卿

闔廬光也。以鮪諸子

為卿。闔

戶臘反。

季子至曰苟先君無廢祀民人無廢

主社稷有奉國家無傾乃吾君也吾誰敢怨

哀死事生以待天命非我生亂立者從之先

人之道也

吳自諸樊以下兄弟相傳而不立適是亂由先人起也季子自知力不能討光故云爾。

傳直專反

復命

哭墓

復使命於僚墓。使所吏反。

復位而待

位待

吳公子掩餘奔徐公子燭庸奔鍾吾

鍾吾小國

楚師聞吳亂而還

言聞吳亂明郤宛不取賂而還

郤宛直而

和國人說之

以直事君以和接類。說音悅

鄢將師為右領

右領官名

鄢於晚反

與費無極比而惡之

惡郤宛。費扶味反。比毗志反。惡烏

又烏戶反

令尹子常賄而信讒無極譖郤宛焉謂

子常曰子惡欲飲子酒

子惡郤宛。賄乎罪反。譖側鳩反。飲於鳩反。

又

謂子惡令尹欲飲酒於子氏子惡曰我賤人

也不足以辱令尹令尹將必來辱為惠已甚

吾無以酬之若何

酬報。無極曰令尹好甲兵

子出之吾擇焉

擇取以進子常。好呼報反。

取五甲五兵曰

寘諸門令尹至必觀之而從以酬之

曰無極辭

取五甲五兵。正義曰：周禮司右云：凡國之勇力之士能用五兵者，屬焉。鄭引司馬法曰：弓矢圍受，矛守戈戟助。凡五兵長以衛短，短以救長，然則弓矢受矛戈戟，五者皆名爲兵。此云五兵當是一種器耳，不知取何兵也。服虔云：兵戟也。及饗日，帷諸門左。張帷陳甲兵其中無極，謂令尹曰：吾

幾禍子子惡將爲子不利，甲在門矣。子必無往，且此役也。此春救潛之役。幾音祈吳可以得志，子惡取

賂焉而還，又誤羣帥使退其師，曰：乘亂不祥。吳乘我喪，我乘其亂，不亦可乎？令尹使視郤

氏，則有甲焉，不往。召鄆將師而告之。告子惡門有甲兵將子惡

聞之，遂自殺也。國人弗爇，令曰：不爇郤氏與

之同罪，或取一編菅焉，或取一秉秆焉。編菅，苦也。秆，稂也。或古旦反。苦，式占反。李巡云：編菅，茅以覆屋曰苦。把必馬反。疏：注編菅至稂也。正義曰：釋草云：白華，野菅。稂，古老反。郭璞云：菅茅屬，釋器云：白蓋，謂之苦。李巡曰：編菅以覆屋曰苦。郭璞曰：白茅，苦也。是編菅爲苦也。秉，把詩毛傳文也。說文云：秆，禾莖也。是爲稂也。或取一片苦，或取一

把稂言民不肯燒之國人投之，遂弗爇也。令尹炮之。燒燔郤宛。炮，陟交反。又彭。國人至炮之。正義曰：國人投之謂投交反。燔音煩。疏：菅，秆於地故遂不燒也。令尹炮之一句是鄆將師令衆之辭，服虔云：民不肯爇也。鄆將師稱令尹使女燔炮之，燔炮，爇皆是燒也。盡滅郤氏

之族，黨殺陽令，終與其弟完及佗。令終陽，甸子佗。走何反。

與晉陳及其子弟。晉陳楚大夫皆郤氏之黨晉陳之族

呼於國，曰：鄆氏費氏自以爲王，專禍楚國，弱

寡王室蒙王與令尹以自利也

蒙欺也。呼火故反。

令尹

盡信之矣國將如何令尹病之

為下殺無極張本

○秋

會于扈令成周且謀納公也宋衛皆利納公

固請之范獻子取貨於季孫謂司城子梁與

北宮貞子

子梁宋樂祁也貞子衛北宮喜

曰季孫未知其罪而

君伐之請囚請亡於是乎不獲君又弗克而

自出也夫豈無備而能出君乎季氏之復天

救之也

復猶安也

休公徒之怒

休息也

而啓叔孫氏之

心不然豈其伐人而說甲執冰以游叔孫氏

懼禍之濫而自同於季氏天之道也魯君守

齊二年而無成季氏甚得其民淮夷與之

淮夷

魯東夷。說他活反。

疏

懼禍至道也。正義曰言季氏無罪而公濫討之叔孫氏亦懼禍之濫及於己而自同心

於季氏俱叛公此乃天之常道也

有十年之備有齊楚之援

公雖在齊

致力。有天之贊有民之助有堅守之心有列

國之權而弗敢宣也

宣用也。守手又反

事君如在國

書公

行告公至是也故鞅以為難二子皆圖國者也而欲納

魯君鞅之願也請從二子以圍魯無成死之

二子懼皆辭乃辭小國而以難復

以難納白晉君

子孟

懿子陽虎伐鄆

陽虎季氏家臣伐鄆欲奪公

疏

孟懿至伐鄆。正義曰伐鄆欲

奪公鄆使公不得居也不書者伐公逆事不可以告廟國史無由得書

鄆人將戰子家子

曰天命不悖久矣

悖疑也言弃君不疑○悖他刀反

使君亡者

必此衆也

言君據鄆衆以與魯戰必敗亡

天既禍之而自福也

不亦難乎猶有鬼神此必敗也

疏猶有至敗也○正義

曰言尚有鬼神以助君此戰必當敗也況無鬼神乎

嗚呼爲無望也夫其死於

此乎公使子家子如晉公徒敗于且知

且知近鄆

地也○夫音扶且子餘反近附近之近

○楚卻宛之難國言未已進

胙者莫不謗令尹

進胙國中祭祀也謗詛也○難乃且反年末同胙才故反詛側慮反

沈尹戌言於子常曰夫左尹與中廢尹莫知

其罪而子殺之以興謗讟至于今不已

左尹郤宛也中

廢尹陽令終○廢九又反謗音獨

戊也惑之仁者殺人以掩謗猶

弗爲也今吾子殺人以興謗而弗圖不亦異

乎夫無極楚之讒人也民莫不知去朝吳

五年○去起呂反朝如字下朝夕同

出蔡侯宋

在二十一年

喪太子建殺

連尹奢

在二十年喪息浪反

屏王之耳目使不聰明不

然平王之温惠其儉有過成莊無不及焉所

以不獲諸侯邇無及也

邇近也○近附近之近

今又殺三

不辜以興大謗

三不辜郤氏陳氏晉陳氏

幾及于矣子而

不圖將焉用之夫鄆將師矯子之命以滅三

族國之良也而不愆位

在位無愆過○幾音祈又音機焉於虔反矯居表反愆起

虔

鄆將師矯子之命○正義曰令尹召鄆將師告之以反

疏

郤宛門有甲耳不令攻郤宛也鄆將師退而令衆使

攻之是矯令尹命也吳新有君光新立也疆場日駭楚國若有

大事子其危哉知者除讒以自安也今子愛

讒以自危也甚矣其惑也子常曰是瓦之罪

敢不長圖九月己未子常殺費無極與鄢將

師盡滅其族以說于國謗言乃止○冬公如

齊齊侯請饗之設饗禮○疆居良反場音亦知音智子家子曰朝

夕立於其朝又何饗焉其飲酒也乃飲酒使

宰獻而請安比公於大夫也禮君不敵臣宴大夫使宰

也○坐疏朝夕至飲酒○正義曰禮為諸侯相為賓主國

才臥反待之有享食燕三禮享為大鄭立云享謂享大

牢以飲賓是為禮之大者子家以公雖居鄆以齊為主此年

已再如齊數相見不為賓容故言朝夕立於其朝又何須設

饗禮焉其飲酒也勸其用宴禮而飲酒耳○注比公至坐也

正義曰燕禮者公燕大夫之禮也公雖親在而別有主人鄭

立云主人宰夫也宰夫大夫之屬掌賓客之獻飲食者也君

於其臣雖為賓不親獻以其尊莫敢仇禮也今齊侯與公飲

酒而使宰獻是比公於大夫也獻獻爵者禮有三酌獻也酬

也醉也獻酬是主人獻賓唯醉是賓答主人耳禮君不敵臣

宴大夫使宰為主即燕禮是其事也杜以宰獻而請安謂齊

侯請自安於別室不在坐也劉炫云案燕禮司正洗角解南

面坐奠于中庭升東楹之東受命西階上北面命卿大夫君

曰以我安卿大夫皆對曰諾敢不安彼是請客使自安當如

彼使宰請魯侯自安耳主人請安謂主人使司正請安于賓

服虔亦然杜今云齊侯請自安非也今知不然者案鄉飲酒

禮賓主相敵主人亦請安于賓然則齊侯與公敵禮安賓乃

是常事何須傳載其文以見卑公之義明是齊侯請欲自安

不在其坐明慢公之甚劉不審思此

理用燕禮請安之義而規杜非也

齊侯夫人日請使重見子仲魯公子慤也十二年謀

逐季氏不能而奔齊今行飲酒禮而欲使重見從宴嫁也○日重直勇反又

以君出辟齊夫人十一月晉籍秦致諸侯之戍于

周魯人辭以難經所以不書成周籍秦籍談子

經二十有八年春王三月葬曹悼公無傳六月而葬緩○

○公如晉次于乾侯乾侯在魏郡斥丘縣晉竟內邑斥音尺一音昌夜反竟音境

傳○夏四月丙戌鄭伯寧卒無傳未同盟○六月

葬鄭定公無傳三月而葬速○秋七月癸巳滕子寧卒

無傳未同盟而赴以名冬葬滕悼公無傳

傳二十八年春公如晉將如乾侯齊侯卑公故適晉子

家子曰有求於人而即其安人孰矜之其造

於竟欲使次於竟以待命○造七報反弗聽使請逆於晉晉人

曰天禍魯國君淹恤在外君亦不使一个辱

在寡人一个單使○个古賀反注同單使所吏反而即安於甥舅其亦

使逆君言自使齊逆君使公復于竟而後逆之逆者乾侯也言公不

能用子家所以見辱○晉祁勝與鄆臧通室二子著中畧反一音直畧反

家臣也通室易妻○祁巨支反字林云太原縣上戶反鄆舊音

烏戶反又音偃案地名在周者烏戶反隱十一年王取鄆留

是也在鄭者音偃成十六年戰于鄆陵是也在楚者於建反又

音偃昭十三年王訟夏將入鄆是也在晉者於庶反字林乙

祛反郭璞三倉解詁音庶於庶反闕駟音厭厭之飲重言之

大原有鄆縣唯周地者從烏餘皆從焉字林亦作鄆音同傳

云分祁氏之田以爲七縣司馬彌牟爲鄆大夫祁盈將執

之盈祁午訪於司馬叔游叔游司馬叔侯之子叔游曰鄭

書有之惡直醜正實蕃有徒鄭書古書名也言害正直者實多徒



衆○惡如字又烏路反蕃音煩疏惡直至有徒○正義曰以直爲惡以正有徒衆言時世慕爲醜惡直事醜正道如此人者實蕃多善者多從惡者少言世亂無道立矣子懼不免詩曰

民之多辟無自立辟詩大雅○多辟本又作疏詩

至立辟○正義曰詩大雅板之篇刺厲王之詩辟邪也辟法也民之多有邪辟者於此之時無自謂所立者爲法是言無辟辟字同音異耳姑且也姑已若何已止也盈曰祁氏

私有討國何有焉言討家臣無與國遂執之祁

勝賂荀躒荀躒爲之言於晉侯晉侯執祈盈

以其專戮爲于僞反祁盈之臣曰鈞將皆死鈞同疏鈞將

亦死同將皆死不如殺之使盈聞而快意愁使吾君聞

勝與臧之死也以爲快愁發語之音乃殺之夏

六月晉殺祁盈及楊食我楊叔向邑食我叔向子伯石也○食音嗣向許

反食我祁盈之黨也而助亂故殺之遂滅祁

氏羊舌氏初叔向欲娶於申公巫臣氏夏姬女也○娶

七主反夏戶雅反注同其母欲娶其黨叔向曰吾母多而

庶鮮吾懲舅氏矣言父多妾媵而庶子鮮少嫌母氏性不曠○鮮息淺反注皆同懲直

升反媵繩證疏吾母多○正義曰言父多妾媵而謂之母反又時證反多者意言庶弟少據庶弟而發言故謂父

妾爲母耳其母曰子靈之妻殺二夫子靈巫臣妻夏姬也三夫陳御叔楚襄老

及巫臣也時疏殺三夫○正義曰三夫皆自命盡而死其死

巫臣已死疏不由夏姬而云殺三夫者婦之配夫欲其

薄相故以爲夏姬之咎一君陳靈一子夏徵而亡一

國陳兩卿矣孔寧儀疏一君至兩卿○正義曰一

也行父○疏君一子蒙上殺文兩卿亦

也

也

也

也

也

也

蒙亡文也以兩卿棄位出奔身不死  
故為亡也此事皆宣十年十一年傳

可無懲乎吾聞之  
甚美必有甚惡是鄭穆少妃姚子之子子貉

之妹也子貉鄭靈公夷。少**疏**甚美必有甚惡。正義曰物忌大盛善不可常

暑往寒來晝明夜暗孰能為此者天地天地尚不能常  
況人乎故甚美必有甚惡也甚美謂夏姬之身甚惡當在

其後言其種胤當  
惡故禁其子取之  
子貉早死無後而天鍾美於是

是夏姬也鍾聚也子疏子貉至於此。正義曰此因鄭靈早天

而妹必美也猶今俗語  
將必以是大有敗也疏必將

云云衰家女未必慧慧  
至敗也。正義曰夏姬淫或喪國滅家叔向之母猶謂未是

大敗故言將必以是大有敗也十四年傳稱施邢侯者或是

夏姬之外孫其種類蓋盡矣  
昔有仍氏生女黥黑疏生女黥黑。正義曰黥

反說文作多又作鬢云稠髮也疏即鬢也詩云鬢髮如絲

毛傳云鬢黑髮也如雲言美長也說文云鬢稠髮也然則鬢

者髮多長而黑美之貌也此傳黥下有黑則黥文不兼於黑

故賈杜皆云  
而甚美光可以鑑疏髮膚光色可以照人

美髮為黥  
疏注髮膚至照人。正義曰傳於黥黑甚美之下乃

曰立妻疏以髮黑故樂正后夔取之疏夔舜典樂之君長。夔

反疏注夔舜至君長。正義曰尚書舜典云帝曰夔命汝

故云典樂之君長。王朝公卿  
故以后言之猶謂為后稷  
生伯封實有豕心貪怙

無饜忿類無期謂之封豕疏類豕也封大也。長丁

楚人謂貪為怙饜亦作厭於鹽疏生伯至封豕。正義曰

反類又作類立對反服作類。疏豕心言其心似豬貪而

無恥也方言云晉魏河內之北謂怙為殘楚謂之貪則怙亦

貪也賈逵云怙者食也其人貪者財利飲食無知饜足忿怒

狼戾無有期度時人謂之大豬。注類戾也封大也。正義

曰以類忿共文則類亦似忿故以為戾言狼戾也定四年傳

類戾也封大也。長丁

豕心言其心似豬貪而

無恥也方言云晉魏河內之北謂怙為殘楚謂之貪則怙亦

貪也賈逵云怙者食也其人貪者財利飲食無知饜足忿怒

狼戾無有期度時人謂之大豬。注類戾也封大也。正義

封豕與長蛇相對知封為大也服虔云忿怒其類以饜其私無期度也

是以不祀音異夏后者。昇且三代之亡其子之

廢皆是物也夏以妹喜殷以妲己周以褒姒三代所由

亦作恭妹喜本或作嬉音同國語云桀伐有施氏以妹

喜女焉韋昭注漢書云嬉姓也妲己丁達反下音紀國語云

有蘇氏之女也韋昭云已姓也褒姒音似龍萊所生褒人所

養者也毛詩云姒姓也鄭箋云姒字也驪姬本又作麗同力

知反獻公伐驪戎所得而以爲夫人穀疏注夏以至姬廢

梁傳云滅虢所得莊子云艾封人之子疏正義曰晉語云

史蘇曰昔夏桀伐有施氏有施氏以妹嬉女焉妹嬉有寵於

是與伊尹比而亡夏殷幸伐有蘇氏有蘇氏以姐已女焉姐已

有寵於是與膠鬲比而亡殷周幽王伐有褒有褒人以褒姒

女焉褒姒有寵生伯服於是與虢石甫比逐太子宜咎而立

伯服太子奔申申人鄭人召西戎以伐周周於是女何以

乎亡是三代所由亡之事也共子之事具見於傳

爲哉夫有九物足以移人苟非德義則必有

禍尤異也。疏苟非至有禍。正義曰苟誠也叔向

懼不敢取平公強使取之生伯石伯石始生

子容之母走謁諸姑子容母叔向嫂伯華妻也姑叔

其丈反嫂素早反兄曰長叔姒生男兄弟之妻相謂

妻也依字宜如此疏注兄弟至謂姒。正義曰相謂者幼者謂長爲姒也子

皆小於叔向也故謂叔向爲長叔叔向之妻其年長於子容

母故稱長叔姒也釋視云女子同出謂先生爲姒後生爲娣

孫炎曰同出俱嫁事一夫也公羊傳曰娣者何弟也此其義

也是言共事一夫者長爲姒幼爲娣自以身之長幼生娣姒

之名其娣姒之名不由夫之長幼也釋視又云長婦謂稚婦

爲娣婦娣婦謂長婦爲姒婦自以身之長稚相謂也喪服小

功章云娣姒娣報傳曰娣姒婦者弟長也傳言弟長者雙訓

娣姒言娣是弟姒是長也鄭玄云娣姒者兄弟之妻相名也

長婦謂釋婦爲娣婦娣謂長婦爲姒婦亦取姑視之及

春秋疏卷五

義

堂聞其聲而還曰是豺狼之聲也狼子野心

非是莫喪羊舌氏矣遂弗視○秋晉韓宣子

卒魏獻子為政獻子魏舒。豺本又作分祁氏之

田以為七縣七縣祁平陵梗陽塗水馬首孟分羊

舌氏之田以為三縣銅鞮平陽楊氏司馬彌牟

為鄔大夫太原賈辛為祁大夫太原司馬烏

為平陵大夫魏戊為梗陽大夫戊魏舒庶子梗陽

音茂知徐吾為塗水大夫徐吾知盈孫塗水太原榆

又如韓固為馬首大夫固韓孟丙為孟大夫太原

孟樂霄為銅鞮大夫上黨銅鞮縣趙朝為平陽

大夫朝趙勝曾孫平陽僚安為楊氏大夫平陽楊

**疏**分祁至氏大夫。正義曰此祁氏與羊舌氏之田舊是

置大夫也傳文先祁後羊舌故依下文選置大夫之次上七

縣為祁氏之田下三縣為羊舌氏之田且五年傳謂伯石為

楊石明楊氏是羊舌之田也家語與史記皆謂羊舌赤為銅

鞮伯華是銅鞮亦羊舌邑也平陽之次在銅鞮楊氏之間知

亦羊舌謂賈辛司馬烏為有力於王室二十二年

邑也知徐吾趙朝韓固魏戊餘子之不失職能守

業者也卿之庶子疏注卿之至餘子。正義曰宣二年

餘子亦為餘子其庶子為公行注云餘子適子之母弟也庶

子妾子也彼適庶分為三等故餘子與庶子為異此無所對

子

子

子

子

子

故摠謂庶子為餘子也此四人之內當有妻生妾生者也知徐吳韓固是卿之孫也趙朝卿之曾孫也而並稱餘子者言其父祖是餘子就餘子孫之內選其賢者而用之此四人不失常職能守其父祖之業者也其四人者

皆孟父縣而後見於魏子以賢舉也四人司馬彌牟孟丙樂霄僚安也受縣而後見言采衆而舉不以私也。見賢遍反注及下見魏子並同魏子謂成鱣鱣晉大夫。鱣音劇又市轉反又音附吾與戊也縣人其以我為黨乎

對曰何也戊之為人也遠不忘君遠疏也近不偏不偏同位。信彼力反同居利思義不苟得在約思純無濫心

有守心而無淫行雖與之縣不亦可乎對曰疏

至可乎。正義曰遠不忘君言職雖疏遠而心在公室常忠敬也近不偏同言親近有寵不偏迫同位常謙共也居利思義臨財不苟得思義可取乃取之也在約思純處貧賈而思純固無叨濫之心也有守善之心而無淫邪之行雖則親子

而與之縣不亦可乎昔武王克商光有天下光大也。行下孟反其兄

弟之國者十有五人姬姓之國者四十人皆舉親也夫舉無他唯善所在親疏一也昔武疏

至親也。正義曰由武王克商得封建諸國歸功於武王耳此十五國或有在後封者非武王之時盡得封也尚書康誥之篇周公營洛之年始封康叔于衛洛誥之篇周公致政之年始封伯禽于魯明知武王之時兄弟未盡封也僖二十四年傳稱周公弔二叔之不咸故封建親戚以藩屏周亦以周公為制禮之主故歸功於周公耳非盡周公封也九年傳曰文武成康之封建母弟則康王之世尚有封國宣王方始封鄭非獨武王周公封諸國也僖二十四年傳數文之昭也有十六國此言武王兄弟之國十五人者人異故說異耳非武王封十五周公始加一也以魯衛驗之知周公所加非唯一耳詩曰唯此文王帝度其心莫其德音其德克明克明克類克長克君王此大國克順克

比比于文王其德靡悔既受帝祉施于孫子

詩大雅美文王能王大國受天福施及子孫。唯此文王詩  
作唯此王季度待洛反下及注同莫亡白反又如字爾雅云  
貊莫安定也下及注同長丁丈反下及注同王。疏詩曰至  
此于況反注能王同祉音恥施以鼓反注同。疏孫子。至  
正義曰詩大雅皇矣之篇美文王之德也唯此文王之身為  
天帝所佑天帝開度其心令其有揆度之惠所度前事莫不  
皆得其中也又使之莫然安靜其德教之善音施之於人則  
皆應和之也又能有監昭在下之明又能有勤施無私之善  
又能教誨不倦有為人師長之德又能賞善刑惡有為人君  
上之度既有人君之德故為人君王此周之大邦也其施教  
令能使國人徧服而順之既為國人順服又能擇人之善者  
比方其善乃從而用之以此文王之德比于上世有能經緯  
天地文德之無為人如堯舜之輩其此詩人稱比較于文王之九  
于前世文德之王義亦通也以此之故既受天之祉福施及  
于後世之子孫得使長王天下也此章文次如此者德皆天  
之所授故先言帝度其心明以下皆蒙帝文也德由心起故  
先言心能度物也心既能度然後能施為政教故次莫其德

音言變政教清靜也為君所以施政故先言政教清靜乃論  
身內之德故次能明能善其明與善還是德音之事施之於  
人有照臨之明勤心之善耳心能施而無私乃可為人君長  
故次克長克君長即師也學記曰能為師然後能為長能為  
長然後能為君故先長後君也既言堪為人君即說為君之  
事故言王此大邦也既為大邦之君能使國人順服故次克  
順也民既順服又須擇善用之故次克比也比于文王其德  
無所可恨故言受天之福澤流後世以結之此傳言唯此文  
王毛詩作維此王季經涉亂罹師有異讀後人因而兩存不  
敢追改今王肅注毛詩及韓詩亦作唯此文王鄭注毛詩作  
維此王季故解此于文王言王季之德可以比于文王也劉  
炫云此作唯此文王不可以文王之德還自比于文王故知比  
于文王可以比于**心能制義曰度**帝度其心**疏**心能制  
上代文德之王也**心能制義曰度**其心**疏**義曰度  
正義曰心能制斷時事使合於義是為**德正應和曰莫**  
善揆度也言預度未來之事皆得中也**德正應和曰莫**  
莫然清靜。應應對之**疏**德正應和曰莫。正義曰毛詩  
應下如字又胡臥反**疏**莫作貊樂記引此詩亦作莫釋  
詰云貊噴安定也郭璞云皆靜定毛傳云貊靜也其德既正  
為政清靜故有所施為民皆應和易繫辭曰君子居其室出

其言善則千里之外應之即此義也 照臨四方曰明

莫是清靜之意故杜云莫然清靜 勤施無私曰類 施而無私物得其所無失類也 疏注

而無私至類也 正義曰勤行施惠則無偏私物皆得所 是無失類也 鄭玄云類善也無失類者不無善之類也 教

誨不倦曰長 教誨長 賞慶刑威曰君 君之職也 疏

賞慶刑威曰君 正義曰人君執賞罰 慈和徧服 疏

之柄以賞慶人以刑威物是為君之道 慈和徧服曰順 正義曰人

曰順 唯順故天下徧服 疏 慈和徧服曰順 正義曰人

接物則天下徧服而順從之故為順也 易繫辭 擇善而從

之曰比 比方善事 經緯天地曰文 經緯相錯 疏

天地曰文 正義曰易稱聖人先天而天弗違後天而奉天 時言德能順天隨天所為如經緯相錯織成交章故為文也

九德不愆作事無悔 九德上九曰也皆無愆過 故

則動無悔吝 吝力何反 故

襲天祿子孫賴之 襲受 主之舉也近文德矣

所及其遠哉 舉魏戊等勤施無私也其四人者擇善而

疏 注近文德所及遠 正義曰成鱗引此詩者唯欲取克

類克比二事同於文王故云近文德矣文王以有此德

故得施于子孫魏子既 賈辛將適其縣見於魏子

近文德亦將所及遠也 魏子曰辛來昔叔向適鄭釁蔑惡

惡貌醜 釁 音子工反 釁

欲觀叔向從使之收器者 從隨也隨使人 疏

之收器者 正義曰下云叔向將飲酒將欲舉爵 應斂俎豆者 疏

而飲此則飲猶未畢使者擬收器耳未即收也 而往立

於堂下一言而善叔向將飲酒聞之曰必釁

明也 素聞其賢故聞 疏 一言而善 正義曰舊說云下

其言而知之 疏 一言者謂設由上徹由下 下

執其手以上曰昔費大夫惡 賈國之大夫惡亦醜

也 上時掌反下并

注娶妻而美三年不言不笑御以如臯為妻御之

臯澤。娶七住。反為于偽反。御以如臯。正義曰詩云鶴鳴于九臯。是臯為澤也如往也為妻御車以往澤也。

射雉獲之其妻始笑而言賈大夫曰才之

不可以已我不能射女遂不言不笑夫今子

少不颺顏貌不揚顯。射雉食亦反。女音汝下同夫音扶颺音揚。子若無言吾幾

失子矣言不可以已也如是遂如故知今女

有力於王室吾是以舉女因賈辛有功而後舉之言人不可無能。幾音墮。

疏遂如故知。正義曰遂如故舊相知。行乎敬之哉毋墮乃力墮也。毋音無。墮許規切。仲尼聞魏子之舉也以為義曰近

不失親謂舉魏戊遠不失舉以賢可謂義矣又聞

其命賈辛也以為忠先賞王室之功故為忠詩曰永言配

命自求多福忠也詩大雅永長也言能長配天命致多福者唯忠也。至忠也。正義曰詩大雅文王之篇也言王者長自言之所為配上天之命而行之是自家眾多之福使歸已此詩之意言忠則然也言魏子能忠必有多福歸之。魏子之舉也義其命也忠其

長有後於晉國乎。冬梗陽人有獄魏戊不

能斷以獄上上魏子。斷丁亂反。其大宗賂以女樂訟者之大

宗魏子將受之魏戊謂閻沒女寬二人魏子之屬大夫。閻以占

反曰主以不賄聞於諸侯若受梗陽人賄莫

甚焉吾子必諫皆許諾退朝待於庭魏子朝君退而待於

魏子之庭。聞饋入召之召二大夫食饋求位反。比置三歎

如字又音問。

春秋疏卷五



既食使坐

更命之令坐。必利反之令力呈反。

魏子曰吾聞諸伯

叔諺曰唯食忘憂吾子置食之間三歎何也

同辭而對曰或賜二小人酒不夕食

或他人也言飢甚

饋之始至恐其不足是以歎中置自咎曰豈

將軍食之而有不足是以再歎

魏子中軍帥故謂之將軍。咎其九

反食之音嗣帥所類反本又作率同

疏

注魏子至將軍。正義曰晉使卿為將軍故呼為將軍及六國以來遂以將軍為官名蓋其元起於此

及饋之畢願以小

人之腹為君子之心屬厭而已

屬足也言小人之腹飽猶知厭足君

子之心亦宜然。屬之玉反注同厭於鹽反又於豔反注同

獻子辭梗陽人

傳言魏氏

所以興也

春秋左傳注疏卷第五十二

春秋左傳注疏卷五十二按勘記

阮元撰盧宣旬摘錄

附釋音春秋左傳注疏卷第五十二

昭二十六年盡二十八年

經

亦是自齊也

宋本是下有至字是也

傳言王入在子朝奔後

宋本作傳云天王入淳熙本小字宋本作傳天王入

單子劉子來以東西

宋本監本來作夾

王入乃告諸侯

諸本作王此本誤三今改正

傳

為公處鄆起

淳熙本閩本處作取按正義云為下三月公處鄆以發端也則作處為是也

縛一如瑱

石經宋本淳熙本岳本閩本監本縛作縛與釋文合

注瑱充耳

宋本以下正義八節摠入林雍乘注之下

縣下又縣玉為瑱以塞耳

宋本縣作懸俗字

庚十六斗

淳熙本斗誤升

其下文旃人云

宋本旃作旃非也說文旃从瓦方聲

羣臣不盡力于魯君者

石經于作於

欲行其說

諸本作其此本誤具今改正

宋元公為魯君如晉

足利本公誤君

不知天之弃魯耶

石經宋本淳熙本小字宋本足利本耶作邪是也

君若待于曲棘

纂圖本毛本于改於

此即彼棘也

宋本此上有蓋字

成人伐齊師之飲馬于淄者

石經毛本于作於釋文同

齊子淵捷從洩聲子

釋文洩作泄是也

瓦楯脊

毛本脊作脊非釋文下有也字

野洩亦叱也

淳熙本纂圖本也作之

鬢鬚眉

釋文鬢作須云本又作鬢案作須正字也一變而為鬢再變而為鬚

必子疆也

石經疆作疆

鑿而乘於他車以歸

惠棟云說文鑿金聲也从金輕聲讀若春秋傳甕而乘它車之甕則傳本作甕

舛齷攸辭故杜訓為一足行若從金輕聲與斷足無涉必傳寫之誤正義失考又按足部無甕字蓋即脛字之異者

謂以擊也

宋本以下有刀字

尸在鞏縣西南偃師城

宋本淳熙本岳本纂圖本足利本尸下有氏字是也

劉子以王出

宋本以下正義二節摠入使女寬守關塞注下

王子朝用成周之寶珪于河

諸本作珪此本誤桂今改正

王宿于褚氏

石經宋本岳本監本褚作褚釋文同

皆周地

宋本淳熙本地作邑是也

使汝寬守關塞

釋文云女本亦作汝纂圖本閩本監本毛本亦作守關石經宋本淳熙本岳本足利本作守關是也陳樹華云水經注云昔大禹疏伊門以通水兩山相對望之若關伊水歷其間北流故謂之伊關矣春秋之關塞也

壬昭王也

陳樹華云哀六年云楚子軫卒則昭王名軫疑王非昭王或者即位後改名邪史記楚世家十一諸侯年表並作軫蓋傳寫異文伍子胥傳仍作軫

瀆侵也

宋本淳熙本岳本纂圖本足利本侵作慢釋文作

賂吾至從也

宋本此節正義在乃立昭王之下

晉師成公般戍周而還

石經宋本淳熙本岳本足利本師下有使字

莊宮在王城

毛本宮作公誤也

昔成王克殷

石經宋本淳熙本岳本纂圖本閩本監本毛本成作武定本亦作武

以蕃屏周

小字宋本蕃作藩釋文同云亦作蕃是也

昔武王克殷

宋本監本毛本作武此本誤成今改正宋本以下正義十五節摠入文辭何為注下

是以理居處厲王于斃

監本理作禮非也

何肯不忍害不

監本毛本下不字作王

與治王之政事

監本治字脫水旁

以同於王庭而言曰

韋注云襄人襄君共處曰同閩本監本毛本誤伺

周語云

案周當作晉

并去大子

此本大誤天據宋本毛本改閩本監本作太非此節上下大字監本皆誤作太

伯服古文作伯盤

段玉裁校本盤作股按周禮司勳注引盤庚作般庚漢石經殘碑作股庚

五經文字云石經變舟作月玉裁盤作股亦從舟之變體也

生類禍心

石經宋本小字宋本作積是也

惠襄辟難

釋文辟作避陳樹華云傳寫之譌

鄭生頃王巨

毛本頃作傾非也

咸黜不端

正義曰諸本咸或作滅案惠棟云呂覽仲冬紀水泉滅竭今月令作成竭是咸為古文滅字

其傳詩有此句

毛本傳作傳誤也盧文昭校本其下有左字

其誰敢請之

閩本亦誤請石經此處殘缺宋本淳熙本岳本纂圖本監本毛本作討是也

侵欲無厭

釋文厭作厭云本又作厭石經此處殘缺

規求無度

諸本作規石經此處缺段玉裁校本作玩正義云本或作規謬也

貫瀆鬼神

諸本作貫說文引傳作貫

俗本作規

段玉裁校本俗上有玩字是也

傲很威儀

纂圖本閩本監本毛本很作狠誤釋文作很

先王謂景王

毛本先作宣非也

未有攸底

石經宋本淳熙本岳本底作底是也注同。今並訂正

獎順天法

石經宋本淳熙本小字宋本獎作彛釋文同

無助狡猾

釋文作狡滑云本又作狡猾

年鈞以德德鈞以下

後漢書盧植傳引傳鈞作均陳樹華云古字通也

亦唯伯仲叔季圖之

閩本毛本伯仲誤倒

子朝干景之命

毛本干誤于

注出齊至不見

宋本以下正義二節在公說乃止之下

明出齊之分野

監本明字模糊

祇取誣焉

石經祇作祗是也。今訂正

天道不諂

監本毛本諂作諂釋文云本又作悞陳樹華云論衡變虛篇引作不閤按依論衡則閤與諂媚字同韻或左傳古有作諂之本

惟此文王

宋本惟作唯今詩大明作維

翼翼然共順也

監本毛本順作慎按詩箋作翼翼恭慎貌

君無違德

案惠棟云論衡引作回德回邪也與上文不回下文回亂合

豆區釜鍾之數

岳本鍾作鐘

詩曰至且舞

宋本以下正義五節摠入是以先王上之注下

是與天地並與

盧文昭校本是有禮字

君令臣共

閩本監本共作恭非也石經共字重刊蓋初刻亦作恭也

父慈而教

毛本教誤敬

經三十一年

宋本春秋正義卷三十二石經春秋經傳集解昭七第廿六岳本昭下有公字並盡三十二年

敗楚于雞父

諸本作父此本誤文今改正

又使大子諸樊入郢

毛本郢作鄭亦非宋本作鄭是也

傳二十七年

注乙子至母弟

宋本以下正義十六節摠入令尹病之注下

其長子死葬於羸悖之間

宋本閩本監本毛本悖作博是也

此又分圻之

宋本正德本閩本圻作拆監本作折毛本作析

楚莠尹然工尹康

釋文亦作工定本同纂圖本閩本監本毛本作王與正義本合孫志祖云下云別有工尹壽此當作王尹

除其徭役

監本徭作徭下同是也

駑馬四良馬之數

宋本監本毛本四作三不誤

與吳師遇于窮

纂圖本監本毛本于作於惠棟云水經注云水出安豐縣窮谷窮音戎唐石經窮下有谷字鄴道元所引同正義以有谷字為誤非也案石經谷字後人旁加

弗可失也

石經也字初刻誤已後改正

不足依馮

閩本監本毛本馮作憑

彭仲傳云

宋本毛本傳作博是也

夏四月光伏甲於堀室而享王

釋文亦作堀云本又作窟陳樹華云史記夏四月下有丙

子二字堀作窟下同初學記引亦作窟按作窟即釋文所謂又作之本也

入于堀室

顧炎武云石經堀誤作堀案石經不誤炎武非也

鍤交於冑

宋本淳熙本岳本冑作冑石經初刻作冑合於說文後改作冑俗字也此本作冑說文之或體也

無極譜卻宛焉

毛本極誤及

秆橐也

纂圖本橐作藁按藁正字也俗作稿作藁

白華野營

宋本管作管非下同

民弗肯熱也

宋本弗作不是也重脩監本熱誤藝

與其弟完及佗

石經佗字改刊

皆卻氏之黨

宋本淳熙本足利本無之字

懼禍至道也

宋本此節正義在注以難納白晉君之下

孟懿至伐鄆

宋本以下正義二節摠入注文且知近鄆地之下

嗚呼為無望也夫

石經淳熙本嗚作烏是也古烏呼字不作嗚

平王之温惠共儉

石經初刻共字作恭後改刊

卻氏陳氏晉陳氏

宋本淳熙本岳本纂圖本監本毛本陳氏作陽氏是也

鄆將師矯子之命

毛本命誤令宋本此節正義在謗言乃止之下

疆場日駭

諸本作疆此本誤疆今改正纂圖本監本毛本場誤場

朝夕至飲酒

宋本以下正義二節摠入注辟齊夫人注下

有享食燕三禮

宋本燕作宴

享謂享大牢以飲賓

宋本無享謂二字非也大上享字作亨與聘禮注合

掌賓客之獻飲食者也

諸本作客此本誤答今改正

彼是請客使自安

宋本闕本監本毛本客作賓是也

子仲魯公子愁也

宋本淳熙本岳本纂圖本毛本作愁釋文同此本及闕本誤愁今改正監本作

愁尤非

經所以不書成周

宋本淳熙本岳本闕本成作成是也纂圖本監本毛本誤成

經三十八年

乾侯在魏郡斥邱縣

淳熙本魏作以非也

傳三十八年

逆者乾侯也

宋本淳熙本岳本纂圖本毛本者著作釋文同足利本逆作竟非也

晉祁勝與鄔臧通室石經初刻作鄔改刻鄔字下司馬彌牟為鄔大夫鄔字並同按依釋文則作鄔是改刻鄔非也

實蕃有徒諸本作實詩周頌離之篇正義引傳作寔

惡直至有徒宋本以下正義十七節摠入姑視之節之下

民之多有邪辟者宋本無者字

古辟辟字同音異耳重脩監本異誤吳浦鏜云辟辟疑作僻辟字按孔本二字皆作辟故如此云猶前疏云乞與乞一字也

晉殺祁盈及楊食我石經楊字木旁模糊毛詛父六經正誤云揚作楊誤非也此本及誤又依諸本改正

而天鍾美於是毛本天作天非也

子貉死在宣四年淳熙本死誤飛

今俗語云云衰家女未必慧慧宋監毛本云字不重次慧字下有家女未必衰五字是也

夏姬淫或宋本或作惑

猶謂未是大敗監本毛本是作得

昔有仍氏生女黥黑漢書古今人表仍作仍師古曰仍音仍釋文云黥之忍反美髮也說文作參又作鬢云稠髮也

詩云鬢髮如絲宋本監本毛本絲作雲是也

然則鬢者髮多長而黑美之貌也毛本多誤當貌字監本作額

以髮黑故毛本髮黑二字誤倒



是夔爲舜之典樂官也 宋本樂下有之字

猶謂爲后稷 宋本謂下有稷字是也

忿怒其類 監本毛本類作類是也

夏以妹喜 宋本淳熙本岳本纂圖本足利本妹作未是釋文云喜本或作嬉宋本正義同

以驪姬廢 釋文驪作嬖云本或作麗穀梁亦作麗盧文昭云淮南說林訓王注楚詞思美人章皆作嬖案驪與嬖麗實一字耳

驪與嬖麗實一字耳

有蘇以妘己女焉 宋本蘇下有氏字與國語合

於是與膠華比而亡殷 宋本華作革監本毛本作鬲與國語合

平公強使取之 淳熙本強作彊非也

幼者謂長爲姒也 宋本長下有者字是也

知盈縣 宋本淳熙本岳本纂圖本足利本縣作孫是也

孟丙爲孟大夫 顧炎武云今本作孟丙者非漢書地理志云孟晉大夫孟丙邑以其爲孟大夫而謂之孟丙猶魏大夫之爲魏壽餘閻大夫之爲閻嘉邯鄲大夫之爲邯鄲午也

平陽平陽縣 閩本監本毛本下平字作巫非也

僚安爲楊氏大夫 纂圖本監本毛本楊作陳非也

分祁至氏大夫 宋本以下正義十八節摠入魏子之舉也義節下

謂伯石爲楊石 此本楊字模糊依監本毛本補正宋本作揚下同閩本誤作鳩

在銅鞮楊氏之間 銅鞮閩本監本作銅鞮非是宋本楊作揚

韓固 毛本韓作魏非也

官卿之適以爲公族又官其餘子 宋本官並作宦是也

能守其祖父之業者也

閩本監本毛本脫者字

以魯衛驗之

毛本驗作言

詩曰唯此文王

釋文云詩作唯此王季陳樹華云傳文凡發語詞唯字俱從口其引詩書本句則從小前後一例此唯字應從小今詩作維

施于孫子

毛本于作於非也

為天帝所佑

宋本佑作祐與詩皇矣正義同

令其有揆度之惠

監本毛本惠作慧按詩正義作惠

又能有監昭在下之明

宋本昭作照

勤心之善耳

宋本心作施是也

經涉亂罹

監本毛本罹作離按離正字罹俗字

注施而無私至類也

宋本監本毛本無無私二字

作威作福君之職也

詩大雅皇矣之篇正義引作作福作威君之道也

擇善而從之曰比

淳熙本比誤此注同

則飲猶未畢

監本毛本猶作酒非也

賈國之大夫惡亦醜也

纂圖本監本毛本亦作且非也

女遂不言不笑夫

石經初刻無夫字重刊補

今子少不颺

石經子字下旁加貞字非也

言不可以已也如是

宋本淳熙本岳本足利本言下有之字與石經合

今女有力於王室

纂圖本監本毛本力作功非也

先賞王室之功故為忠

毛本為誤謂

其長有後於晉國乎

毛本於改于

而待於魏子之庭

毛本於改于

比置三歎

毛本置改至非也

魏子中軍帥

釋文亦作帥云本又作率同監本作將非是

注魏子至將軍

宋本此節正義在注文傳言魏氏所以興之下

傳言魏氏所以興也

宋本淳熙本足利本無也字

附釋音春秋左傳注疏卷第五十二

止

春秋左傳注疏卷五十二按勘記

附釋音春秋左傳注疏卷第五十三

昭二十九年 盡三十二年

杜氏注

孔穎達疏

經二十有九年春公至自乾侯居于鄆

以乾侯至

不得見

注以乾至晉侯故。正義曰二十五年公孫于

晉侯故

齊齊侯唁公于野井二十六年經書公至自齊

公雖不至

齊都既入齊竟得與齊侯相見故書公至自齊往

年公如晉

次于乾侯雖入晉竟不得與晉侯相見故書至自

乾侯以乾

侯致告於廟。齊侯使高張來唁公。唁公至

者為不得

見晉侯故。注唁公至晉不見受。正義曰詩毛傳曰

受高張高偃

疏。弔失國曰唁二十五年公新失國齊侯唁

子。唁音彥

公可矣於此復唁公者公以齊不憂已棄而適晉望得晉人

矜之晉侯

不肯見公齊侯心復恨公嫌公此舉故遣唁公所

以嗤笑公

也故云唁公至晉不見受又似更復失國故唁之。

復不見受

注乾。夏四月庚子叔詣卒。無傳。秋七

侯。復扶又反。

月○冬十月鄆潰

無傳民逃其上曰潰潰散叛公○潰戶對反

**疏**

注民逃至

叛公○正義曰民逃其上曰潰潰三年傳例也公自二十六年以來常居于鄆此時公既如晉必留人守鄆鄆人潰散而叛公使公不得更來當是季氏道之使然

傳二十九年春公至自乾侯處于鄆齊侯使

高張來唁公稱主君

比公於大夫

**疏**

注比公於大夫○正義曰傳稱范宣

子撫荀偃云事吳敢不如事主醫和謂趙文子曰主是謂矣如此之類大夫稱主傳文多矣今高張以齊侯之命稱公為主君以晉不受公故輕侮之比公於大夫也

子家子曰齊卑君矣君祇

言往事齊適取

公如乾侯

為齊所卑故復適晉冀見恤○復扶又反

○三月己卯京師殺召伯盈尹氏固及原伯魯之子

皆子朝黨也稱伯魯子終不說學○召上照反說音悅

尹固之復也

八年尹固與子朝俱奔楚而道還

**疏**

注二十至道還○正義曰尹固復還三歲乎知以二十六年在此道而還至此為三歲也

有婦人遇之周郊尤之

曰處則勸人為禍行則數日而反是夫也其

過二歲乎夏五月庚寅王子趙車入于鄆以叛

陰不佞敗之

趙車子朝之餘也見王殺伯盈等故叛鄆周邑○數所主反鄆列勉反

○平

子每歲賈馬

賈買也○賈古買反

具從者之衣屨而歸之

于乾侯公執歸馬者賣之

賣其馬

乃不歸馬衛

侯來獻其乘馬曰啓服

啓服馬名○乘如字

**疏**

注啓服馬名正義曰釋畜

云馬前右足白啓郭璞曰左傳曰啓服詩云兩服上襄鄭玄云兩服中央夾來轅者此馬毛色名啓公用以來轅故以啓服為名也斬而死

隋塹死也○塹七豔反

公將為之櫝

為作棺也○將為如字一

音于偽反。檀徒木反。子家子曰從者病矣。請以食。

之乃以幃裹之。禮曰：敝幃不棄為埋馬。疏：注禮曰：敝，至馬也。

正義曰：檀弓文也。禮有埋馬之法。子家子請以馬肉食從者。以公將為之。積所以深抑之。公感于家子之言，方始依禮。以帷裹之。史記滑稽傳云：楚莊王有所愛馬，衣以文繡，置之華屋之下。席之以路牀，啗之以棗脯。馬病肥死，欲以棺槨。大夫禮葬之。優孟者，故楚之樂人也。多辨，常以談笑風諫。於是入門大笑，王驚而問其故。優孟曰：「馬者，王之所愛也。以楚國之大，何求不得，而以大夫禮葬之，薄請以人君禮葬之？」王曰：「何如？」對曰：「臣請以雕玉為棺，文梓為槨，發甲卒為穿壙，老弱負土，廟食大牢，奉以萬戶之邑。諸侯聞之，皆知大王賤人而貴馬也。」王曰：「寡人過一至於此，為之奈何？」優孟曰：「請大王以六畜葬之，以壘竈為椁，銅歷為棺，齊以薑桂薦，以木蘭祭，以糗稻衣，以火光葬之，人賜於是，王乃使以馬屬大官，無令天下聞之，彼亦公賜公衍羔裘，使獻龍輔於齊侯。」  
龍輔，玉名。○正義曰：周禮使澤國用龍節，皆金也。此之類也。公賜公衍羔裘，使獻龍輔於齊侯。龍輔，龍文又玉人云：上公用龍，今輔與龍連文，故云龍輔。玉名，蓋用此意。遂入羔裘，齊侯喜與之。陽穀，陽穀齊邑。公衍公為之生也。其母偕出產舍。疏：注出之產舍。○正義曰：內則云：妻將生子，及月辰，使姆衣服而對。至于生子，夫復使人日再問之。夫齊則不入側室之門。子生，男子設弧於門左，女子設帨於門右。三日始負子。男射，女否。然則產舍是側室也。公衍先生公為之母，曰相與偕出。請相與偕告。留公衍母使待已。其白公三日公為生，其母先以告公，為為兄。公私喜於陽穀，而思於魯。曰：務人為此禍也。務人公為也。始與公若謀，逐季氏。且後生而為兄，其誣也久矣。乃黜之，而以公衍為大子。

為龍以玉為函，輔盛龍節，謂之龍輔。此獻函不獻節，故直云獻龍輔。玄卿云：盛龍節之玉函耳。案說文云：龍，禱旱玉也。為龍文。又玉人云：上公用龍，今輔與龍連文，故云龍輔。玉名，蓋用此意。遂入羔裘，齊侯喜與之。陽穀，陽穀齊邑。公衍公為之生也。其母偕出產舍。疏：注出之產舍。○正義曰：內則云：妻將生子，及月辰，使姆衣服而對。至于生子，夫復使人日再問之。夫齊則不入側室之門。子生，男子設弧於門左，女子設帨於門右。三日始負子。男射，女否。然則產舍是側室也。公衍先生公為之母，曰相與偕出。請相與偕告。留公衍母使待已。其白公三日公為生，其母先以告公，為為兄。公私喜於陽穀，而思於魯。曰：務人為此禍也。務人公為也。始與公若謀，逐季氏。且後生而為兄，其誣也久矣。乃黜之，而以公衍為大子。

出之產舍。疏：注出之產舍。○正義曰：內則云：妻將生子，及月辰，使姆衣服而對。至于生子，夫復使人日再問之。夫齊則不入側室之門。子生，男子設弧於門左，女子設帨於門右。三日始負子。男射，女否。然則產舍是側室也。公衍先生公為之母，曰相與偕出。請相與偕告。留公衍母使待已。其白公三日公為生，其母先以告公，為為兄。公私喜於陽穀，而思於魯。曰：務人為此禍也。務人公為也。始與公若謀，逐季氏。且後生而為兄，其誣也久矣。乃黜之，而以公衍為大子。

先以告公，為為兄。公私喜於陽穀，而思於魯。曰：務人為此禍也。務人公為也。始與公若謀，逐季氏。且後生而為兄，其誣也久矣。乃黜之，而以公衍為大子。

○秋龍見于絳郊

絳晉國都○見賢通反

魏獻子問

於蔡墨

蔡墨晉太史

曰吾聞之蟲莫知於龍以其不

生得也謂之知信乎對曰人實不知非龍實

知

言龍無知乃人不知之耳○莫知音智下謂之知實知注無知同

○**疏**正義曰人以龍

不生得而謂之為知者此是人實不知非是龍實能知言龍

可生得非是不生得也故說古有養龍之事以證龍可生得

也人不知有也御與園同言養龍猶養馬故稱御古者畜龍故國有豢龍氏有御

龍氏

豢御養也

○**疏**

注豢御養也○正義曰服虔曰豢養也養犬豕曰豢知其以穀養蓋龍亦食穀也御與園同言養龍猶養馬故稱御

者吾亦聞之而知其故是何謂也對曰昔有

颺叔安

颺古國也叔安其君名○颺力謬反

有裔子曰董父

裔遠也

玄孫之

後為裔。裔以制反。實甚好龍能求其者欲以飲食之龍

多歸之乃擾畜龍以服事帝舜帝賜之姓曰

董

擾順也○好呼報反者時志反飲於鳩反下同食之音嗣下不能食飲食之食夏后同擾而小反

○**疏**

乃擾畜龍○正義曰擾順也順龍之所欲而畜養之氏曰豢龍

諸鬻川鬻夷氏其後也

鬻水上夷皆董姓○鬻子工反

○**疏**注鬻水至

董姓○正義曰鄭語云黎為高辛氏火正命之曰故帝舜

氏世有畜龍及有夏孔甲擾于有帝

孔甲少康之後九世

君也其德能順於天○夏戶雅反下皆同少詩照反下少啤同

○**疏**曰帝王世紀云少康子帝杼杼子帝芬芬子帝芒芒子帝世世子帝不降子帝不降弟帝喬喬子帝廣也至帝孔甲孔甲不降子帝賜之

乘龍河漢各一

合為四○乘繩證反河漢各二服云河漢各二乘

○**疏**注合為四

正義曰服虔云四頭為乘四乘十六頭也傳言賜之乘龍賜之一乘之龍也即云河漢各二乘是河漢共一乘也又云各有雌雄是河漢之二皆一雌一雄也故杜以為合為四

各有雌雄孔甲不能食而未獲豢龍氏有陶唐氏既衰其後有劉累陶唐堯所治地○治直吏反 學擾龍于豢龍氏以事孔甲能

飲食之夏后嘉之賜氏曰御龍夏后孔甲以更豕

韋之後更代也以劉累代彭姓之豕韋累尋遷魯縣豕韋復國至商而滅累之後世復承其國為豕韋氏在

襄二十四年○更音疏注更代至四年○正義曰傳言以庚注同復扶又反疏更豕韋之後則豕韋是舊國廢其君以劉累代之鄭語云祝融之後八姓大彭豕韋為商伯矣又云彭姓彭祖豕韋則商滅之矣如彼文豕韋之國至商乃滅於夏王孔甲之時彭姓豕韋未全滅也下文云劉累懼而遷于魯縣明是累遷之後豕韋復國至商乃滅耳襄二十四年傳范宣子自言其祖在夏為御龍氏在商為豕韋氏則劉累子孫復封豕韋杜跡其事知累之後世更復其國為豕韋

氏也舊無此解杜自為龍一雌死潛醢以食夏后潛藏

也藏以為醢明龍不知也龍也夏后饗之既而使求之求致龍也

懼而遷于魯縣不能致龍故懼遷魯縣自貶退也魯縣今魯陽也范氏其

後也晉范氏也獻子曰今何故無之對曰夫物物

有其官官脩其方方法朝夕思之一日失職

則死及之失職有異○朝如字下朝夕見同失官不食不食不食官

宿其業宿猶安也其物乃至設水官脩則龍至若泯棄之物

乃坻伏泯滅也坻止也○泯彌反鬱鬱湮不育鬱鬱湮不育鬱滯也湮塞也育生

也○湮音因疏夫物至不育○正義曰此論致龍之事物謂龍也夫物物各有其官當謂如龍之輩蓋言鳳皇

者脩其為官方術從朝至夕終日脩之若一日失其所堂之

職令其官方不理則有死罪及之居官者當死矣失其官方  
則不得食祿得死罪是不食祿也居官者安其為官之業使  
職事脩理則其所掌之物乃自生至水官脩則龍至其餘亦  
當然也若滅棄所掌之事令職事不脩則其物乃止息而潛  
伏沈滯壅塞不復生育以此故不可生而得也。注宿猶安  
也。正義曰夜宿所以安身故云宿猶安也謂安當其職業  
服虔云宿思也今日當預思明日之事如家人宿火矣玄卿  
以服義大迂曲。注泯滅也。正義曰釋詁文也上  
言官宿其業其物乃至職事不理則其物不至物雖不至尚有  
物在若滅棄所掌職事不理則其物止而潛伏不復生育乃  
令無有此物非徒不至而已。注鬱滯也。正義曰  
賈逵云然杜用之也鬱積是沈滯之義故為滯也傳謂塞井  
為埋井是埋為塞也言此  
物沈滯壅塞不復生也

**官實列受氏姓封為上公**

爵上疏實列受氏姓

行。列言五官皆然也。人臣有大功者天子封為國君又  
賜之以姓諸侯以國為氏言其得封又得姓兼受之也。祀  
為貴神。社稷五祀是尊是奉。五祀之君長能脩其  
業者死皆配食於五

行之神為王者所尊奉。疏注五官至尊奉。正義曰五官  
長丁丈反下文同。禮五祀則尊奉之如祭配食於五行之神即下重該脩熙  
是也。王者祭木火土金水之神而以此人之神配之耳非專  
祭此人也。分五行以配四時故五行之神句芒祝融之徒皆  
以時物之狀而為之名此五者本於五行之神作名耳非與  
重該之徒為名也。晉語云號公夢在廟有神人面自毛虎瓜  
執鉞行西河公懼而走神曰無走帝命曰使晉襲于爾門公  
拜稽首覺召史巫占之對曰如君之言則晉收也天之刑神  
也如彼文號公所夢之狀必非該之貌自是金神之形耳由  
此言之知句芒祝融玄冥后土之徒皆是木火水土之神名  
非所配人之神名也。雖本非配人之名而配者與之同食亦  
得取彼神名以為配也。此五行之官配食五行之神天子制  
名配者亦得稱社稷也。禮使祀焉是為木正曰句芒。有芒  
王者所尊奉也。疏注正官至重焉。正義曰正訓為  
古侯反注及下文皆同。疏長故為官長木官之最長也其火  
重直龍反下文同。疏注正官至重焉。正義曰正訓為  
金水正亦然。賈逵云擦言萬物句芒非專木生如句杜誤  
耳木正順春萬物始生句而有芒角杜獨言木者以木為其



主故經云木正且木比萬物芒角為甚故舉木而火正曰

言劉炫以杜不取賈義而獨舉於木而規杜非也

**視融** 視融明貌其祀犁 **疏** 注視融至犁焉。正義曰杜

明貌也賈逵云夏陽氣明朗視甚也融明也亦以夏氣為之

名耳鄭語云黎為高辛氏火正以焯耀敦大光明四海故命

之曰視融如彼文又似由人生名者彼以其 **金正曰蓐**

官掌夏德又稱之故以夏氣昭明命之耳 **水正曰玄冥** 水陰

**收** 秋物摧蓐而可收也其祀該焉 **水正曰玄冥** 而幽

冥其祀脩及 **土正曰后土** 土為羣物主故稱后也其

焉。冥亡丁反 **土正曰后土** 祀句龍焉在家則祀中雷

在野則為社 **疏** 注土為至為社。正義曰后者君也羣物

○雷力救反 **疏** 皆土所載故土為羣物之主以君言之故

云后土也賈逵云句芒祀於戶祝融祀於室蓐收祀於門玄

冥祀於井后土祀於中雷今杜云在家則祀中雷是問賈說

也家謂宮室之內對野為文故稱家非卿大夫之家也言在

野者對家為文雖在庫門之內尚無宮室故稱野且卿大夫

以下社在野田故周禮大司徒云辨其邦國都鄙之數制其

畿疆而溝封之設其社稷之壇而樹之田主各以其野之所

宜木遂以名其社鄭玄云社稷后土及田正之神田主田神

后土田正之所依也詩人謂之田祖所宜木謂若松栢栗也

是在野則祭為社也此野田之社民所共祭即月令仲春之

月擇元日命人社是也劉炫云天子祭地祭大地之神也諸

地但名位有高下祭之有等級天子祭社使祭中雷也雷亦

侯不得祭地使之祭社也家又不得祭社使祭中雷也雷亦

之神所祭小故變其名賈逵以句芒祀於戶云言雖天子

之祭五神亦如此耳杜以別祭五行神以五官配之非祀此

五神於門戶井竈中雷也門戶井竈直祭門戶等神不祭句

芒等也唯有祭后土者亦是土神故特辨之云在家則祀中

雷在野則為社言彼與中雷亦是土神故特辨之云在家則祀中

**弃矣故龍不生得** 弃廢也 **疏** 龍水至生得。正義曰

以為五靈配五方龍屬木鳳屬火麟為土白虎屬金神龜屬

水其五行之次木生火火生土土生金金生水水生木王者

脩其母則致其子水官脩則龍至木官脩則鳳至火官脩則

麟至土官脩則白虎至金官脩則神龜至故為其說云視明

春大疏卷五十三

七

禮脩而麟至思睿信立而白虎擾言從文成而神龜在沼聽

聰知正而名川出龍貌共體仁則鳳皇來儀皆脩其母而致

其子也解此龍水物者言龍為東方之獸是此方水官之物

也水官廢矣故龍不生得言母不脩故子不至也杜氏既無

其說未知與舊同否此下不注似與舊說異或當以為龍是

水內生長故為水官之物水官廢矣故龍不生得言水官不

脩故無水內之靈獸也若如此解則上云物有其官當謂五

靈之物各致龍其鳳皇麟虎之輩共在天地之間不是寢金

可令水官致龍其鳳皇麟虎之輩共在天地之間不是寢金

食火木生土出未知何官致鳳何官致虎未測杜旨不可強

言是用關疑不然周易有之易無緣有龍在乾三三

以俟來哲乾上乾○乾之姤三三九變○姤上乾乾初

其連反本亦作乾○乾之姤三三九變○姤上乾乾初

勿用○乾初九爻辭其同人三三三離下乾上乾乾初

在田○乾九二爻辭其大有三三三有乾九五變○飛龍在

天○乾九五爻辭其夬三三三○夬古快反兌徒外反○亢龍

有悔○乾上九爻辭其坤三三三○坤本又作《空門反

曰見羣龍無首吉○乾用九爻辭坤之剝三三三剝坤上六

變○剝邦角曰龍戰于野○上爻疏在乾至于野○正

反艮古恨反指此卦某爻之義者即以某爻之變更別為卦即

不用筮但指此卦則此乾之姤宜十二年師之臨是也劉炫云

杜以之為適炫謂易之爻變則成一卦遂以彼卦名爻乾之

初九姤卦爻九二同人爻九五大有爻上九夬卦爻用九全

變則成坤卦故謂用九為坤蔡墨此意取易文耳非揲著求

卦安有之適之義若以之為之適則其非之適之意何以言

其同人其大有此本當言初九九二但以其變成卦即以彼

卦名爻其意不取於初九故言乾卦之姤爻初九言乾以下不

春秋左傳卷五十三

八

易有龍字而已無取於易之義理故杜注唯指其辭之所在  
不解其辭之意其說易者自具於此不復煩言也○同人○  
正義曰離下乾上同人乾之九二爻變而成同人于天也猶君設政  
象曰天與火同人天體在上火性炎上同于天也服虔云天在  
教而臣民從之和同之義故名此卦為同人也○大有○正義曰乾  
上火炎上同于天不可同故曰同人○大有○其彖曰大有  
下離上大有乾之九五爻變而成大有之卦也其彖曰大有  
柔得尊位大中而上下應之曰大有柔得尊位謂六五也五  
位尊而柔居之處尊以柔居中以大體無二陰以分其應上  
下應之無所不納大有之義故名此卦為大有○夬○正義  
曰乾下兌上夬乾之上九爻變而成夬卦也其彖曰夬決也  
剛決柔也此卦五陽而決一陰乾為天為剛為健兌為澤為  
柔為說以剛正決柔邪故名此卦為夬○注乾用九爻辭○  
正義曰乾之六爻皆陽坤之六爻皆陰以二卦其爻既純故  
別揔其用而為之辭故乾有用九坤有用六爻皆變則成坤卦故  
無揔用也六爻皆變乃得揔用乾之六爻皆變則成坤卦故  
謂用九之辭為其坤也六爻既變而不用卦下之辭者周易  
用變卦下之辭非變又無龍文史墨指說於龍故以用為語  
也○坤之剝○正義曰坤下艮上剝坤之上六爻變而成剝卦  
也其彖曰剝剝也柔變剛也剝卦五陰而一陽陰漸長而滅

陽猶邪長而剝損正若不朝夕見誰能物之物謂上六卦所  
道故名此卦為剝也若不朝夕見誰能物之物謂上六卦所  
稱龍各不同也今說易者皆以龍喻

陽氣如史墨之言則為皆是真龍

龍可生得人皆見之故周易之辭以龍為喻若使龍不朝夕  
出見誰能知其動靜而得以物名之易言潛龍飛龍及龍戰  
之等明是見其飛潛見其戰鬪而得以

物名之是知龍可生得古人見龍形也

祀誰氏之五官也

叔○少暉金天氏

疏○少暉氏有四叔○正義曰少暉氏有  
四叔四叔是少暉之子孫非一時也

未知於少暉遠近也四叔出於少暉耳其使重為句芒非少  
暉使之世族譜云少暉氏其官以鳥為名然則此五官皆在  
高陽之世也楚語云少暉氏其官以鳥為名然則此五官皆在  
可方物顯頊受之乃命木正重司天以屬神命火正黎司地

以屬民是則重黎居官在高陽之世也又鄭語云黎為高辛  
氏火正命之曰祝融則黎為祝融又在高辛氏之世案世本  
及楚世家云高陽生稱稱生卷章卷章生黎如彼文黎是顯  
頊之曾孫也楚語云少暉之衰顯頊受之即命重黎似是即

九

位之初不應即得命曾孫為火正也少暉世代不知長短顓  
頊初已命黎至高辛又加命不應一人之身繇歷兩代事既  
久遠書復散亡如此黎差難可考按世家云共工作亂帝學  
使黎誅之而不盡帝誅黎而其弟吳回為黎復居火正為  
祝融即如此言黎或是一國名官號不是人之名字顓頊命黎  
高辛命黎未必共是一人傳言之少暉四叔未必不有在高  
是祖孫其事不可知也由此言之少暉四叔未必不有在高  
辛世者也此五祀者居官有功以功見祀不是一時之人脩  
廡相代為水正即非一時也且傳言世不失職漢是積世能  
官其功益大非是暫時有功遂得萬世承祀明是歷選上代  
取其中最有功者使之配食亦不知初以此人曰重曰該  
配食何代聖王為之蓋在高辛唐虞之世耳

曰脩曰熙實能金木及水龍能治其官○重直使

重為句芒木正該為蓐收金正脩及熙為玄冥水正

世不失職遂濟窮桑此其二祀也窮桑

水正之號也四子能治其官使不失職濟成少疏注窮桑至魯

窮桑少暉之號帝王世紀亦然賈逵云處窮桑以登為帝故  
天下號之曰窮桑帝賈以濟為渡也言四叔子孫世不失職  
遂渡少暉之世杜以少暉之世以鳥名官不得有木正火正  
故以濟為成四子能治其官使不失職濟成少暉之功言少  
暉有王功子孫能成之故死皆為民所祀也少暉居窮桑定  
四年傳稱封伯禽於少暉之虛故云窮桑地在魯北土地名  
窮桑闕言在魯顓頊氏有子曰犁為祝融犁為火  
北相傳云耳

音專顓共工氏有子曰句龍為后土共工在大暉

許玉反其子句龍能平水疏注共工至見祀○正義曰十

水名官其子句龍能平水疏七年傳鄭子言前世名官從

下而先言炎帝以火名次言共工以水名次言大暉以龍

名是共工在大暉後神農前以水名官者也祭法曰共工氏

之霸九州也其子曰后土能平九州故祀以為社能平九州

是能平水土也言共工有子謂後世子耳亦不知句龍之為

后土在於何代少暉氏既以此其二祀也后土為社

鳥名官此當在顓頊以來耳此其二祀也后土為社

方答社稷故疏注方答至為社○正義曰獻子問社稷五

明言為社祀既答五祀當更答社稷但句龍既為后

土

土又以配社蔡墨既答五祀方稷田正也掌播疏稷

荅社稷故明言后土為社也正也○正義曰月令云孟春行冬令則首種不入鄭玄云首

種謂稷也周語云宣王不藉于畝號文公諫曰民之大事在

農是故稷為大官然則百穀稷為其長遂以有烈山氏

稷名為農官之長正長也稷是田官之長之子曰柱為稷

烈山氏神農世諸侯○疏烈山至諸

侯○正義

曰魯語及祭法皆云烈山氏之有天下也其子能殖百穀故

祀以為稷言有天下則是天子矣杜注不得為諸侯也賈逵

鄭玄皆云烈山炎帝之號杜言神農世諸侯者案帝王世紀

神農木起烈山然則初封烈山為諸侯後為天子猶帝堯初

紀神農為君撫有八世至榆罔而滅亦稱神農氏是摠號神

農也故烈山氏得於神農之世為諸侯後為神農也劉炫以

為烈山氏即神農非諸侯而規杜非也此及魯語皆云其子

曰杜祭法云農者劉炫云蓋柱自夏以上祀之○祀柱

是名其官曰農猶呼周棄為稷自夏以上祀之○祀柱

摠掌周棄亦為稷○祀柱

反周棄亦為稷○祀柱

代之○正義曰棄為周之始祖能播殖百穀經傳備有其事

以其後世有天下號國曰周故以周冠棄棄時未稱周也書

序云湯既勝夏欲遷其社不可作夏社孔安國云湯承堯舜

禪代之後順天應人逆取順守而有懋德故革命創制改正

易服變置社稷而後世無及句龍者故不可而止是言成湯

變置社稷之由也湯於帝世年代猶近功之多少傳習可知

故得量其優劣改易祀典意欲遷社而無及句龍棄功乃過

於柱廢柱以棄為稷也其五祀之神重犂之輩若更有賢能

商以來祀之傳言蔡墨○冬云晉趙鞅荀寅帥師

城汝濱趙鞅趙武孫也荀寅中行荀吳之子汝遂賦晉

國一鼓鐵以鑄刑鼎令晉國各出功力共鼓石為鐵

故言遂○鑄之疏名也曲禮曰獻米者操量鼓取晉國一

鼓鐵以鑄之但禮之將命置重而執輕鼓可操之以將命即

豆區之類非大器也唯用一鼓則不足以成鼎家賦一鼓而

遂賦晉

遂賦晉

遂賦晉

遂賦晉

遂賦晉

鐵又大多且金鐵之物當稱之以權衡數之以鈞石寧用量  
米之器量之哉故杜以為賦晉國者令民各出功力均賦取  
其功也冶石為鐵用橐扇火動橐謂之鼓今時俗語猶然令  
衆人鼓石為鐵計令一鼓使足故云賦晉國一鼓鐵也遂者  
因上生下之辭因城汝濱遂鑄刑鼎故言遂也

尼曰晉其亡乎失其度矣夫晉國將守唐叔

之所受法度以經緯其民卿大夫以序守之

序位也疏著范至刑書。正義曰范宣子制作刑書施於晉

次也疏國自使朝廷承用未嘗宣示下民今荀寅謂此等

猶如鄭鑄刑鼎仲尼譏之其意亦與叔向譏子產同民是

以能尊其貴貴是以能守其業貴賤不愆所

謂度也疏民是至度也。正義曰守其舊法民不豫知

威刑也官有正法民常畏威貴是以能守其業保祿位也貴

者執其權柄賤者畏其威嚴貴賤尊卑不愆此乃所謂度也

言所謂法度正如此是也文公是以作執秩之官為被廬之

法被皮義反廬力居反菟本又作搜所求反以為盟主

今弃是度也而為刑鼎以在鼎矣何以尊貴

弃禮微書故不尊貴貴何業之守則上失業貴賤無序何以

為國疏刑書之鼎民知罪之輕重在於鼎矣貴者斷獄

不敢加增犯罪者取驗於書更復何以尊貴威權在焉勢不足

忌上貴復何業之守貴之所以為貴只為權勢在焉勢不足

畏故業無可守貴無可守則賤不畏且夫宣子之刑夷

威貴賤既無次序何以得成為國也夷菟在文六年一菟而三

之菟也晉國之亂制也范宣子所用刑乃夷菟之法

易中軍帥賈季箕鄭之徒遂疏注范宣至亂制。正義曰

作亂故曰亂制。帥所類反疏於時晉侯將以士穀梁益

耳將中軍先克曰狐趙之勲不可廢也以狐射姑將中軍趙

盾佐之陽處父改菟于董更以趙盾將中軍狐射姑佐之是

言所謂法度正如此是也文公是以作執秩之官為被廬之

法被皮義反廬力居反菟本又作搜所求反以為盟主

一蒐而三易中軍帥三易者士穀梁益耳將中軍是易代前人是一易也狐射姑將中軍是二易也又趙盾將中軍是三易也致使賈季箕鄭之徒怨恨而作亂其文若之何以公傳具矣因此蒐而有此亂故曰晉國之亂制

為法蔡史墨曰范氏中行氏其亡乎蔡史墨中

行寅為下卿而干上令擅作刑器以為國法

是法姦也又加范氏焉曰勿之亡也范宣子刑書中既廢矣今

復興之是成其咎。擯市。疏。又加至亡也。正義曰宣子戰反復扶又反咎其九反。刑書久已廢矣今復變易與之以成其滅亡也。劉炫云范氏取蒐之法以為國制雖則為非書已廢矣縱應有禍亡釁已歇今苟寅更述其事又加增范氏之惡焉范氏已欲免其及趙氏趙孟與焉然不禍今復改易之而使亡

得已若德可以免鑄刑鼎本非趙鞅意不得已而從之若能脩德可以免禍為定十三

年荀寅士吉射人朝歌以叛。與音預朝如字

經三十年春王正月公在乾侯釋不朝正于廟夏六月庚辰晉侯去疾卒未同盟而赴以名。去起呂反。秋八月葬晉頃公三月而葬速。頃公。正義曰諡法慈仁和民曰頃。冬十有

二月吳滅徐徐子章羽奔楚徐子稱名以名告也

傳三十年春王正月公在乾侯不先書鄆與

乾侯非公且微過也微明也二十七年二十八年公在鄆二十九年公在乾侯而經不釋朝正之禮者所以非責公之妄且明過謬猶可掩故不顯書其所在使若存國然自是鄆人潰叛齊晉卑公子家忠謀終不能內外弃之非復過誤所當掩塞故每歲書公所在。微直升反或本作懲誤復扶又反。疏。春王也。正義曰經書公在乾侯者季氏以此告廟釋公不得朝正故國史書之于策也。釋例曰昭公之孫每正月必書者以孫告廟也公二十五年始出居鄆及乾侯累歲居外而仲尼不書于經故傳曰不先書鄆與乾侯非公且微過也既以非

春秋左傳卷五十三

十三

責公之妄且明過謬之可掩故不顯書其在外使若在國然也自三十年至於終沒則皆顯書其所在之地傳皆隨年而互言其事明罪之在公非復過謬也三代封建自上及下降殺以兩君不充高臣不極卑疆弱相參衆力相須賢愚相廁故雖有昏亂之君亦有忠賢之輔我周東遷晉鄭是依無知之亂實獲小白驪姬之妖重耳以興天下雖瓦解而不土崩海內雖鼎沸而不益溢天生季氏以興魯侯季氏未有篡奪之惡公雖失志亦無抽筋倒懸之急聽用隸豎僥倖之私既不能強又不能弱所以身死於外見貶於春秋也是言罪在公書公在外是意也杜言見貶於春秋者公當在國治民每歲意然則前三年魯史皆書公在仲尼去之仲尼所以不於此猶可掩此年書者自是鄆人潰叛云云此年云非公且明過謬三十一一年云言不能外內三十二年云言不能外內又不能先其人每歲發傳言公之罪也。注徵明至所在。正義曰一者明公過謬猶可掩也非責公之妄者以君舉必書公在乾侯與鄆臣子當委曲詳錄今輕畧不記似若不足可錄然所以非責公之妄也明公過謬猶可掩者被臣所逐出居於

外若顯然書之則恥惡尤甚故隱而不書猶若在國欲明公過謬之失尚可容掩也此以徵爲明明公過可掩也襄二十八年傳云王人來告喪問崩日以甲寅告故書之以徵過徵亦爲明明告喪者之過也彼言徵審也審其事知無他故以明其過失也服虔云非公且徵過昭公無道久在外季氏非公不肯釋言公在某地春秋之義亦以不書徵季氏之過此年書者公不得入晉外內有困辱季氏閔而釋之所謂事君如在國案明年傳云言不能外內又明年傳云言不能外內又不能用人其人皆是傳說經意非責昭公不是季氏非公也即如服言往前季氏非公不肯釋公所在此年以後方始閱而釋之所謂事君如在國則往前未釋之時不如在國矣二十七年扈之會范獻子何以已言季氏事君如在國也季氏奪公鄆邑與公交戰行貨齊晉使不納公禱于煬宮求君不入及其死也猶欲絕其兆域加之惡謚閔公之事復安在乎

○夏六月晉頃公卒秋八月葬鄭游吉弔且送葬魏獻子使士景伯詰之曰悼公之喪子西弔子矯送葬

在襄十五年。詰起吉反矯居表反。

今吾子無貳



何故弔喪共使。使所吏反。對曰諸侯所以歸晉君禮也

禮也者小事大字小之謂事大在共其時

命隨時共所求。共音恭注及下同。字小在恤其所無以敝邑

居大國之間其其職貢與其備御不虞之患

豈忘其命言不敢忘其命以所備御者多不及。御魚呂反注同辦皮莧反。先王

之制諸侯之喪士弔大夫送葬唯嘉好聘享

三軍之事於是乎使卿晉之喪事敝邑之間

先君有所助執紼矣紼輓索也禮送葬必執紼。好呼報反問音閑下同紼音弗輓本又作挽音。晚索悉各反。疏。記緇衣云王言如絲其出如綸王言如綸其出如紼紼是大繩也周禮天子葬用六紼喪大記君葬用四紼大夫葬用二紼紼為葬之所用是輓索也案禮雜記諸

侯執紼五百人大夫三百人鄭玄云天子蓋千人也天子諸侯之喪殯于西序而屬紼焉備火災而輓之也王制云喪三年不祭唯祭天地社稷為越紼而行事謂喪在殯踰紼而行祭也周禮大司徒云大喪帥六鄉之衆庶屬其六引又遂人云大喪帥六遂之役屬六紼鄭玄喪大記注云在棺曰紼行道曰引至壙將窆又曰紼是紼引一物從所在而異名耳禮送葬必執紼曲禮文也鄭玄云葬喪之大事紼引車索也鄭之先君親送晉侯葬者傳無其文游吉今言之蓋亦嘗有矣

若其不問雖士大夫有所不獲數矣不得如先王禮數

大國之惠亦慶其加慶善也謂善其君自行而不討其乏

明底其情底致也。底音旨。取備而已以為禮也靈王

之喪在襄二十九年。疏。慶其至而已。正義曰善其有加不討其乏明知鄭國致其情實取充備而已

我先君簡公在楚我先大夫印段實往敝邑

之少卿也少年少也。印一刃。反少詩照反注同。疏我先君簡公在楚正義曰由簡公在

楚上卿守國故少卿行耳鄭玄以為簡公若在君當自行其言非傳旨也王吏不討恤所無

也今大夫曰女盍從舊盍何不也○女音汝盍胡獵反下同舊有豐

有省不知所從從其豐則寡君幼弱是以不

共從其省則吉在此矣唯大夫圖之晉人不

能詰傳言大叔之敏○省所景反下同○吳子使徐人執掩餘使

鍾吾人執燭庸二十七○年奔故二公子奔楚楚子大

封而定其徙大封與土田定其所徙之居使監馬尹大心逆

吳公子使居養二子奔楚楚使逆之於竟也養即所封之邑○監古銜反竟音境莠

尹然左司馬沈尹戌城之城養○莠音誘取於城父

與胡田以與之胡田胡子之地將以害吳也子西諫

曰吳光新得國而親其民視民如子辛苦同

之將用之也若好吳邊疆使柔服焉猶懼其

至柔服謂不與吳構怨○若好呼報反一本作吾好疆居良反吾又疆其讎以重

怒之無乃不可乎讎謂二公子重直用反吳周之胄裔也

而弃在海濱不與姬通今而始大比于諸華

光又甚文將自同於先王先王謂大王王季亦自西戎始比諸華○胄直

又反大王音泰不知天將以為虐乎使翦喪吳國而封

大異姓乎其抑亦將卒以祚吳乎其終不遠

矣言其事行可知不久○喪息浪反祚字故反我盍姑億吾鬼神億安也○

億於力反而寧吾族姓以待其歸善惡之歸將焉用自播

力反

揚焉

播揚猶勞動也。焉於虔反。播被我反。又波賀反。注同。

王弗聽吳子怒冬

十二月吳子執鍾吳子遂伐徐防山以水之

防

山水以灌徐。壅於勇反。灌古亂反。

已卯滅徐徐子章禹斷其髮

髮斷

自刑示懼。斷丁管反。注同。

攜其夫人以逆吳子吳子唁而

送之使其邇臣從之遂奔楚

邇近也。

楚沈尹戌

帥師救徐弗及遂城夷使徐子處之

夷城父也。

吳

子問於伍員曰初而言伐楚

在二十一年。員音云。

余知其

可也而恐其使余往也又惡人之有余之功

也今余將自有之矣伐楚何如對曰楚執政

眾而乖莫適任患若為三師以肆焉

肆猶勞也。惡鳥路。

反適丁歷反。任音壬。肆本又作肆。以制反。下同。

一師至彼必皆出彼出則

歸彼歸則出楚必道敝

罷敝於道。罷音皮。下文同。

亟肆以罷

之

亟數也。亟欺冀反。數所角反。

多方以誤之既罷而後以三

軍繼之必大克之闔廬從之楚於是乎始病

為定四年。吳入楚傳。

經三十有一年春王正月公在乾侯○季孫

意如會晉荀躒于適歷

適歷晉地。躒力。反適丁歷反。

○夏四

月丁巳薛伯穀卒

襄二十五年盟重丘。重直龍反。

疏

注襄二至重丘。正。

義曰傳言同盟故書此穀與魯必嘗同盟矣薛於重丘以前雖數與魯盟伯薛入春秋以來卒葬不見經傳未知此穀以前何年即位故舉。去今近者言之。 ○晉侯使荀躒唁公于乾侯

將使意如

迎公故荀躒來唁 ○秋葬薛獻公無傳 ○冬黑肱以濫來奔

黑肱邾大夫濫東海昌慮縣不書邾史闕 [疏] 注不書邾史闕文○正義曰公羊穀梁亦以濫為邾邑而傳解其無邾之意言邾人以濫封此黑肱使為別國故不繫於邾以非天子所封故無子男爵號其言不可通於左氏左氏無傳 ○十有二月辛

明是闕文二傳見其文闕而妄為說耳

亥朔日有食之

傳三十一年春王正月公在乾侯言不能外

內也公內不容於臣子外不容於齊晉所以久在乾侯 ○晉侯將以師納公

范獻子曰若召季孫而不來則信不臣矣然

後伐之若何晉人召季孫獻子使私焉曰子

必來我受其無咎言我為子受無咎之任○咎其九反下注放此為于偽反 [疏]

我受其無咎○正義曰言我為子受其重任其使子必無咎受其貨故保任之 季孫意如會晉

荀躒于適歷荀躒曰寡君使躒謂吾子何故

出君有君不事周有常刑子其圖之季孫練

冠麻衣跣行示憂感○出如字又勅律反跣素典反 [疏] 季孫至跣行○正義曰練冠蓋如喪服斬衰既練之後布冠也麻衣當是布深衣也問喪云

親始死徒跣跣行不屨以其不得事君示已憂戚之深也

伏而對曰事君臣之所不得也敢逃刑命願言

事君君不肯還不敢辟罪 君若以臣為有罪請囚于費以待

君之察也亦唯君若以先臣之故不絕季氏

而賜之死雖賜以死不絕其後○費音秘 [疏] 不絕至之死○正義曰此季孫探言罪已之意

不絕季氏之祀或更立其子弟直賜其身死而已服虔云言賜不使死是為以死賜之若賜死即是不殺下句何須更言

弗殺若弗殺弗亡君之惠也死且不朽若得從

君而歸則固臣之願也敢有異心君皆謂魯侯也蓋季孫探言罪

已輕重以荅荀夏四月季孫從知伯如乾侯知伯

音智子家子曰君與之歸一慙之不忍而終身

慙乎公曰諾衆曰在一言矣君必逐之言晉既憂君君

一言使晉荀躒以晉侯之命唁公且曰寡君使

躒以君命討於意如意如不敢逃死君其入

也公曰君惠顧先君之好施及亡人將使歸

冀除宗祧以事君則不能見夫人已所能見

夫人者有如河夫人謂季孫也言若見季孫已當受禍明如河以自誓。好呼報反施以

荀躒掩耳而走怪公所言示不忍聽曰寡

君其罪之恐敢與知魯國之難言恐獲不納君之罪今納而不

孫君怒未怠子姑歸祭歸攝君事子家子曰君以一

乘入于魯師季孫必與君歸公欲從之衆從

者脅公不得歸傳言君弱不得復自在。乘繩證反衆從才用反○薛伯

穀卒同盟故書謂書名也入春秋來薛始書名故發傳經在荀躒唁公上傳在下者欲魯

事相○秋吳人侵楚伐夷侵潛皆楚六邑楚沈尹

戌帥師救潛吳師還楚師遷潛於南岡而還

吳師圍弦左司馬戌右司馬稽帥師救弦及

豫章

左司馬沈尹戌。稽音啓又古今反。

吳師還始用子胥之謀也

謀在前年

○冬邾黑肱以濫來奔賤而書名重地故

也

黑肱非命。卿故曰賤。

君子曰名之不可不慎也如是

是黑

也

夫有所有名而不如其已

有所謂有地也言雖有名不如無名已止

以地叛雖賤必書地以名其人終為不義

弗可滅已是故君子動則思禮行則思義不

為利回

回正心也。不為于偽反下不為同。

不為義疚

疚病也見義則為之。疚久又

或求名而不得或欲蓋而名章懲不義也

齊豹為衛司寇守嗣大夫

守先人嗣言其尊。懲首升反下同。

作

而不義其書為盜

求名而不得也二十年豹殺衛侯兄欲求不畏疆禦之名

邾

庶其

在襄二十二年

莒牟夷

在五

邾黑肱以土地出求

食而已不求其名賤而必書

春秋叛者多唯取三人來適魯者三人皆

小國大夫故曰賤

此二物者所以懲肆而去貪也

物事也肆

放也齊豹書盜懲肆也三叛人名去貪也。去起呂反。

若艱難其身

身為艱難以險

危大人

大人在位者

而有名章徹

謂得勇名

攻難之士將

奔走之

攻猶作也奔走猶赴趣也。難乃且反。

若竊邑叛君以微大

利而無名

謂不書其人名。微古堯反。

貪冒之民將實力焉

盡力為之不顧於見書。冒亡北反又亡報反真之或反。

是以春秋書齊豹曰盜

三叛人名以懲不義數惡無禮其善志也

無禮

惡逆皆數而不忘記事之善者也。數所主反注同。

故曰春秋之稱微而顯

文微

而義著。稱尺證反。婉而辨。辭婉而旨別。婉疏。曰此婉而辨則

與微而顯其意一也。故杜云辭婉而旨別。辭婉則文微也。旨

別則義顯也。上句微而顯者。據文雖微隱而義理顯著。下句

婉而辨者。辭雖婉順相似。而旨意有殊。故重起其文也。此與

成十四年婉而成章其事異也。彼謂諱君惡與此不同也。

上之人能使昭明。上之人謂在位者在位者。善人

勸焉。淫人懼焉。是以君子貴之。○十二月辛

亥朔日有食之。是夜也。趙簡子夢童子羸而

轉以歌。轉婉轉也。羸本。旦占諸史墨曰。吾夢如

是今而日食何也。簡子夢適與日食會。對曰。六年

及此月也。吳其入郢乎。終亦弗克。史墨知夢非

釋曰。食之咎而不釋其夢。郢。入郢必以庚辰。庚辰有

以并反。又羊改反應應對之應。

辰尾故曰以庚辰定四。疏。注庚日至入郢。正義曰。於天

年十一月庚辰入郢。疏。交房心尾為大辰。尾是辰後之

星也。日在辰尾。自謂在辰星。庚辰入郢。乃謂日是辰日二辰

不同。而以日在辰尾配庚為庚辰者。二辰實雖不同。而同而

同名曰辰。以其名同。故取以為占。此則史墨能知非是人情

所測定。四年十一月庚辰入郢。是未復其月。而云及此。月者。長麻定

日食。彼十一月入郢。則是未復其月。而云及此。月者。長麻定

四年閏十月庚辰入郢。是十一月二十九日。杜云。昭三十

一年傳曰。六年十二月庚辰入郢。今十一月者。并閏數也。

然則彼是新聞之後。且十一月二十九日。又其月垂盡。故得

為及此。日月在辰尾。辰尾龍尾也。周十二月今之。疏。

注辰尾至而食。正義曰。東方七宿角亢氐房心尾箕共為

蒼龍之體。南首北尾。角即龍角。即龍尾。釋天云。大辰房心尾

災在楚楚之仇敵唯吳故知入郢必吳火勝金者金為疏火妃食在辛亥亥水也水數六故六年也。謫直革反疏注謫變至年也。正義曰昏義云陽事不得適見於天日為之食謫譴責也人有咎責氣見於天故謫為變氣也長麻此年十月壬子朔故庚午是十月十九日也從庚午下去十二月辛亥朔為四十一日雖食在辛亥之日而更以庚午為占舍近而取遠自是史墨所見其意不可知也午為南方之辰楚是南方之國故午為楚之位也午是南方之辰火也庚是西方之日金也日以庚午有變午在南方必南方之國當其咎故災在楚楚之仇敵唯吳耳故知入郢必是吳也其日庚午庚金午火五行相刻火勝金金以畏火之故金為火妃夫妻相得而疆是楚疆盛之兆雖被吳入必不亡國故知吳入郢終亦弗克言其不能滅楚也食在辛亥之日亥在北方水位也北方水數六故曰六年吳入郢也

經二十有二年春王正月公在乾侯取闕傳無

公別居乾侯遣人誘闕而取疏公別至師徒。正義曰公之不用師徒。闕口暫反疏羊傳曰闕者何邾婁之邑也案傳定元年將葬昭公季孫使役如闕公氏將溝焉則闕是魯公葬地非是邾邑公羊不可通於左氏也土地名東平

須昌縣東南有闕城是也賈逵云昭公得闕季氏奪之不用師徒謂此取闕為季氏取於公也案檢經傳公自出奔以來唯齊侯取邾以居公耳未有公取闕之處安得取於公也且若是季氏奪公無由得告廟書經故杜以為公取之也四年傳例曰凡克邑不用師徒曰取知夏吳伐越○秋七月○冬仲孫何忌會晉韓不信齊高張宋仲

幾衛世叔申鄭國參曹人莒人薛人杞人小

邾人城成周世叔申世叔儀孫也國參子產之子不書

反疏注世叔至已薨。正義曰傳稱晉魏舒合諸侯之火

者賈逵云魯有昭公難故會而不盟案傳文無魯人辭盟之事其城成周又魯人共城之矣何以言會而不盟也若以難辭當辭不會身既在會何故辭豈以昭公在外而欲背盟乎故杜以為不書盟者時公在外未及告公而已薨既不得告公故不書於經也案傳尋盟令城成周則盟在城前猶得書城而盟不書者晉合諸侯大夫本以城事召之孟懿子將



從晉命即以告公雖會還乃書而已告公訖故得書之其尋盟之事晉不豫令諸侯大夫既集晉始發意尋盟之事未嘗告公故行還不得書也此云城成周者實未城也晉人始計功庸賦丈數以令諸侯耳明年傳稱正月庚寅裁三旬而畢是明年始城也此未城而已書城耳

十有一月己未公薨于乾侯

薨于乾侯

十五日

疏

注十五日。正義曰傳言十一月之當在月之將末杜顯言此十五日者言盟去公薨日近以明未及告意也

傳三十一年春王正月公在乾侯言不能外

內又不能用人也

其人謂子家羈也言公不能用人故於今猶在乾侯

夏吳伐越始用師於越也

自此之前雖疆事小爭未嘗用大兵。疆居良

反爭爭

史墨曰不及四十年越其有吳乎

存亡之數

不過三紀歲星三周三十六歲故曰不及四十年哀二十二年越滅吳至此三十八歲

越得歲而

吳伐之必受其凶

此年歲在星紀星紀吳越之分也歲星所在其國有福吳先用兵故

反受其殃。分扶

疏

注此年至其殃。正義曰十一年傳問反殃於良反

年歲星在豕韋也又曰歲在大梁蔡復楚凶謂十三年歲星在大梁也十三年距此十九年耳歲星復行一次十二年而天一周則二十五年復在大梁從彼而麻數之則此年始至析木之津而此年歲在星紀者歲行一次舉大數耳其實一歲之行有餘一次故劉歆三統之術以爲歲星一百四十四年行天一百四十五次計一千七百二十八歲爲歲星歲數言數滿此年剩得行天一周三統之麻以庚戌爲上元從上元至襄二十八年積十四萬二千六百八十六歲置此歲數以歲星歲一千七百二十八除之得積終八十二去之歲餘九百九十四以一百四十五乘歲餘得十四萬三千五百五十六爲次餘從襄二十四之得九百九十六爲積次不盡一百二十六年爲次餘從襄二十八年至昭十五年合有一十八年歲星年行一次年有一餘以次加次得一千一十四以餘加餘得一百四十四餘數滿法又成一次以從積次得一千一十五也以十二去之餘餘次一百四十四周七個一百四十四年還得剩行天一周也餘七命起星紀筭外得鶉火是昭十五年

年歲星在鶉火也計十三年在大梁十五年當在鶉首而在鶉火者由其餘分數滿剩得一次猶如閏餘滿而成月也以十五年歲在鶉火歷而數之則二十七年復在鶉火故此年在星紀也於十二次分野星紀是吳越之分也歲星是天之貴神所在之次其國有福今越得歲星故吳伐之則凶也吳越同分而云越福吳凶者以吳先用兵故反受其殃賈逵云然杜從之也鄭玄云天文分野斗主吳牽牛主越此年歲星在牽牛故吳伐之凶案史傳所云吳越同分不言於次之內更復分星姜氏任氏共守玄枵復以何星主齊何星主薛也且據三統之術星紀之初斗十二度至於牽牛初度乃為中耳十五年餘分始滿則此年之初歲星初入此次○秋八伐越在夏未得已至牽牛鄭之此說為妄之甚也

月王使富辛與石張如晉請城成周子朝之亂其餘黨多在王城敬王畏之徙都成周成周狹小故請城之。狹音洽天子曰天降禍于周

俾我兄弟並有亂心以為伯父憂俾使也兄弟父謂晉侯。俾本又作卑同必爾反注同我一二親昵甥舅不皇啓處

於今十年謂二十三年二師圍郊至于今。昵女乙反疏注謂二至于今正義曰案二十

七年十二月晉籍秦致諸侯之戍于周而此杜云二十八年者以十二月垂盡去在十二月至周則在二十八年故云五年也勤戍五年謂二十八年晉籍秦致諸侯之戍至于今余一人無日忘之念諸侯勞閔閔焉如農夫之望歲懼以待時閔

伯父若肆大惠復憂貌王憂亂常閔閔冀望安定如農夫之憂飢冀望來歲之將熟伯父若肆大惠復

一一文之業弛周室之憂肆展放也二文謂文侯仇文公重耳弛猶解也。弛武氏反注同重直龍反徼文武之福以固盟主宣昭令名則

余一人有大願矣昔成王合諸侯城成周以為東都崇文德焉作成周遷殷民以為京師之東都所以崇文王之德。徼古堯反下同疏注作成至之德。正義曰杜知作成周為崇文王之德者以上傳云徼文武之福即云成王合諸侯城成

同疏注作成至之德。正義曰杜知作成周為崇文王之德者以上傳云徼文武之福即云成王合諸侯城成

周以崇文德故以為崇文王之德劉  
炫以為崇文德之教而規杜非也  
今我欲徼福假

靈于成王脩成周之城俾成人無勤諸侯用

寧螿賊遠屏晉之力也螿賊謂災害。螿七侯反。疏注螿賊謂災害。

正義曰螿賊食苗之蟲釋蟲云食根。蝨食節賊故以螿賊喻災害也。其委諸伯父使伯

父實重圖之俾我一人無徵怨于百姓徵召也。徵張

升反。而伯父有榮施先王庸之庸功也先王之靈以為大功。施式鼓反。

范獻子謂魏獻子曰與其戍周不如城之天

子實云云欲罷戍而城。雖有後事晉勿與知可也從王

命以紓諸侯晉國無憂是之不務而又焉從

事魏獻子曰善使伯音對伯音韓不信。勿與音預紓音舒焉於虔反。

曰天子有命敢不奉承以奔告於諸侯遲速

衰序衰差也序次也。衰初危反注同。於是焉在在周所命。冬十一月

晉魏舒韓不信如京師合諸侯之大夫于狄

泉尋盟且令城成周尋平丘盟。魏子南面居君位。衛

彪僂曰魏子必有大咎于位以令大事非其

任也彪僂衛大夫。彪彼蚪反。僂音兮咎其九反。詩曰敬天之怒不敢

戲豫敬天之渝不敢馳驅詩大雅戒王者言當敬畏天之譴怒不可遊戲。

逸豫馳驅自恣渝變也。渝羊朱反譴棄戰反。疏注詩大至譴怒。正義曰此詩據上天斷章取意。況敢干位以作大事乎已丑士

彌牟營成周計丈數計所當城之丈數也。疏注計所至丈數正義曰謂周迴

計所當城之丈數也

遠近之丈數也知者下別  
云揣高卑度厚薄故也  
揣高卑 度高曰揣。揣丁累反  
又初委反度待洛反下

文及 度厚薄勿溝洫  
物相也相取土之方面遠  
刃而慎反洫況域反  
勿本又作 物土

方議遠邇  
幾居豈反 計徒庸  
知用幾 慮財用  
知費幾財用 書餼  
下皆同 人功

糧 知用幾糧食。餼音  
侯本亦作糗糧音良  
以令役於諸侯屬役賦丈

付所當城尺丈 疏  
屬役賦丈。正義曰屬役謂屬聚下役  
也賦丈謂課付尺丈上既號令丁役之

事以告諸侯令諸國各出若干之役築  
若干之丈故云屬役賦丈書以授帥也  
書以授帥 帥

侯之大夫。帥 而效諸劉子  
效致也。韓簡子臨  
所類反注同 效戶孝反

之以為成命 臨履其事以命諸侯  
經所以不書魏舒 ○十二月公疾

徧賜大夫 從公者。徧音遍  
從才用反下同 大夫不受賜子家

子雙琥 琥玉器。疏  
注琥玉器。正義曰周禮大宗伯  
琥禮西方鄭玄云虎猛象秋嚴禮經及記  
言琥多矣都不說其狀蓋刻玉為虎形也 一環一璧輕

服 細好 疏  
肉好若一。正義曰釋器云肉倍好謂之璧  
其孔小也肉好若一其孔  
及邊肉大小適等曰環也 受之大夫皆受其賜已未

公薨子家子反賜於府人曰吾不敢逆君命  
也大夫皆反其賜書曰公薨于乾侯言失其

所也 不薨路寢 趙簡子問於史墨曰季氏出其

君而民服焉諸侯與之君死於外而莫之或

罪也對曰物生有兩有三有五有陪貳故天

有三辰 謂有三。地有五行 謂有五

體有左右 謂有

陪浦回反

謂有

謂有

謂有

兩各有妃耦謂陪貳。妃音配。王有公諸侯有卿皆有

貳也天生季氏以貳魯侯為日久矣民之服

焉不亦宜乎魯君世從其失季氏世脩其勤

民忘君矣雖死於外其誰矜之社稷無常奉

奉之無常人言唯德也君臣無常位自古以然史墨

故詩至為陵。正義曰詩小雅十月之交大夫刺幽王也。三后之姓於今為庶王。

所知也夏商疏注三后虞夏商。正義曰從周而上

在易卦雷乘乾曰大壯三三疏乾下震

為庶人也。疏雷乘乾曰大壯。正義曰乾為天為剛震

震在乾上故曰雷乘乾。疏為雷為動天以剛而動動則為雷壯之大

者故曰天之道也乾為天子震為諸侯而在上君臣疏

注乾為至有雷。正義曰說卦乾為天為君君之極尊者是

天子也震為長子其卦云震驚百里聲達百里之內而有震

曜之威是諸侯而在天子之上昔成季友桓之季也

文姜之愛子也始震而卜卜人謁之曰生有

嘉聞嘉名聞於世。始震疏始震而卜。正義曰震動

也。其名曰友為公室輔及生如卜人之言有

文在其手曰友遂以名之既而有大功於魯

立僖公。名受費以為上卿至於文子武子文子

武子宿。世增其業不費舊績魯文公薨而東

門遂殺適立庶魯君於是乎失國失國權。適丁麻反。政

在季氏於此君也四公矣民不知君何以得

國是以爲君慎器與名不可以假人器車服名爵號疏

是以至假人。正義曰器謂車服也名謂爵號也借人名器則君失位矣故不可以假人也言魯君失民是借季氏以權柄故令昭公至此出外因以戒人君使懲創也

附釋音春秋左傳注疏卷第五十三

春國盧氏向自校回

四清嘉慶二十九年五月

江西南昌府學棧

春秋左傳注疏卷五十三按勘記 阮元撰盧宣旬摘錄

附釋音春秋左傳注疏卷第五十三昭二十九年盡三十二年

經二十九年

以乾侯至

宋本岳本足利本至作致按正義云以乾侯致告於廟者作致是也

注以乾至晉侯至

宋本無晉字

潰散叛公

淳熙本潰作遺非也

當是季氏道之使然

毛本是誤時

傳二十九年

注比公於大夫

宋本此節正義在公如乾侯注之下

趙文子曰

毛本文誤武

齊甲君矣

毛本甲君誤倒

君祇辱焉

石經祇作祇是也

二十八年

宋本淳熙本岳本纂圖本足利本八作六是也

注二十至道還

宋本此節正義在注鄴周邑之下

以婦人尤之云

諸本作尤此本誤无今改正

平王每歲賈馬

纂圖本亦誤作王石經宋本淳熙本岳本閩本監本毛本作子是也。今訂正

注啟服馬名

宋本以下正義二節摠入子家子曰節注

中央夾來轅者

補案來字誤衍

隋塹死也

宋本隋作墮

乃以幃裹之

石經宋本岳本足利本幃作帷與釋文合注同

注禮曰敝至馬也

宋本無敝字

請以馬肉食從者

宋本重者字是也

多辨

宋本閩本監本毛本辨作辯

以龍竈為棹

毛本龍作攏非也

注龍輔玉名

宋本以下正義二節摠入且後生而為兄節之下

龍禱旱玉也

段玉裁按本龍作瓏依說文改也

請相與偕告

纂圖本毛本借作皆非也

務人公為也

案王引之周秦名字解故云魯公子務人字為務亦為也禮記檀弓作公叔禺人假借字

段玉按曰說文云為母猴也禺母猴屬故公為字禺人左傳作務人者務古音茂禺古音偶音相似也

人實至實知

宋本自此節以下正義至注棄周至代之節止摠入注文傳言蔡墨之博物之下

而知其故

石經宋本淳熙本岳本纂圖本監本毛本而下有不字是也

叔安其君名

諸本作君此本誤若今改正

則以官名

宋本淳熙本岳本纂圖本監本毛本名作氏是也

芒子帝世世子帝不降

宋本世並作泄是也

故杜以爲合爲四

宋本無上爲字

陶唐堯所治地

纂圖本毛本地作也非也

以更豕韋之後

惠棟云史記夏本紀更作受周禮巾車云歲時受讀杜子春云受當爲更儀禮燕禮及大射儀注皆云古文更爲受是更與受古今字也

下文云

閩本監本毛本下文作又下非也

懼而遷于魯縣

岳本于作於

若泯弃之

石經泯作泯避所諱

物乃坻伏

纂圖本毛本伏誤服字按說文坻小渚也坻箸也箸直略切然則此傳當作坻伏石經宋本不誤

若滅弃所掌

宋本所掌作其官是也

職事不理

宋本職作百是也

乃令無有此物

此本無字實缺據宋本監本毛本補

非徒不至而已

此本非徒二字實缺閩本同據宋本監本毛本補

傳謂塞井爲堙井

傳謂爲堙井五字此本實缺閩本同據宋本監本毛本補

是堙爲塞也

此本堙爲二字實缺閩本塞字亦實缺據宋本監本毛本補

言此物沈滯壅塞

物沈滯壅四字此本實缺閩本同據宋本監本毛本補

列謂行列

此本行列二字實缺閩本同據宋本監本毛本補



言五官皆然也

此本言字實缺閩本同據宋本監本毛本補

又賜之以姓

此本賜之以姓四字實缺閩本同據宋本監本毛本補

諸侯以國為氏

此本諸侯二字實缺閩本同據宋本監本毛本補

王者社稷五祀

宋本王作主非也

行西河

宋本行下有在字監本毛本作立西河陳樹華云當依外傳作立於西河

自是金神之形耳

毛本神作刑形作神並非

光明四海

浦鐘正誤明作照依國語改也

在野則為社

淳熙本社誤一

各以其野之所宜本

此本宜本二字模糊依宋本監本毛本改正閩本宜誤草

命人社是也

監本毛本人作民

賈逵以句芒祀於戶云云

毛本戶作月非也考文祀作祭

言彼與中霽

監本與作為非宋本彼下有社字是也

是此方水官之物也

宋本此作北

各各自有其官

閩本監本毛本各字不重

不可強言是用

宋本強作彊

乾下乾上乾

淳熙本脫末乾字

其坤

釋文坤作《云本又作坤案說文無《字即三之變耳

上交辭

宋本淳熙本岳本纂圖本監本毛本作坤上六爻辭是也

猶女行而遇男

宋本行而作而行

故別摠其用而為之辭

毛本別作名非也

物謂上六卦所稱龍上六卦三字此本實缺據宋本淳熙本岳本纂圖本補闕本誤作周易之三字監本毛本卦下有之字亦衍文

乃命木正重司天以屬神監本毛本乃作則非也浦鏗云本國語作南

以水名官宋本淳熙本岳本官下有者字

次言大暉以龍名諸本作大此本誤人今改正

祭法曰諸本作祭此本誤登今改正

宣王不藉千畝問本監本毛本藉誤籍

然則百穀宋本毛本穀作官非也

烈山氏釋文云禮記作厲山案禮記郊特牲正義引作列山氏國語補音云左傳作烈山是所據本各異也

其子能殖百穀諸本作穀此本誤設今改正

賈逵諸本作賈此本誤賣今改正

後為神農也案神農疑當作農神

故革命創制宋本故作政

重犁之輩諸本作重此本誤不今改正

共鼓石為鐵淳熙本共誤其

注令晉至言遂宋本以下正義六節摠入其及趙氏節注下

用橐扇火宋本監本毛本橐作囊下句同按橐非也橐者吹火韋囊也或作囊古書祇用排步拜切

民不豫知毛本豫作預案豫預古今字

其事文公傳具矣宋本公下有之字

興之以成重脩監本興誤其成誤戒

范氏取菟之法 宋本取下有夷字是也

縱應有禍 毛本縱誤總

**經三十年**

徐子章羽奔楚 岳本羽作禹從傳文也

**傳三十年**

內外弃之 宋本淳熙本纂圖本足利本作外内案正義本亦作外内

且徵過也 毛本徵誤懲

以二魯侯 宋本監本毛本二作貳是也

亦無抽筋倒懸之急 宋本閩本監本毛本懸作懸是俗字

然所以非責公之妄也 宋本無然字

明公過可掩也 宋本過下有不字是也

則往前未釋之時 閩本監本毛本前誤年

晉頃公卒 淳熙本頃誤須

弔喪共使 宋本岳本足利本喪作葬是也

不及辦之 宋本淳熙本辦作辨

注紼輓至執紼 宋本以下正義三節摠入注文傳言大叔之敏下

帥六鄉之衆 閩本監本毛本鄉誤鄉

禮送葬必執紼 毛本送誤遂宋本必下有而字按今曲禮上作助葬必執紼

明底其情 石經此處殘缺宋本淳熙本岳本底作底是也注同

底致也 淳熙本也字下衍王禮數三字

胡田胡子之地

宋本淳熙本岳本纂圖本監本毛本田下有故字

若好吳邊疆

石經宋本岳本足利本吳作吾釋文作吾好云一本作若好吾

謂不與吳構怨

宋本纂圖本閩本監本毛本構作搆

吾又疆其讎以重怒之

石經宋本淳熙本岳本足利本疆作疆是也

不知天將以為虐乎

淳熙本天作无非也

執鍾吳子

補毛本吳作吾

徐子章禹斷其髮

閩本禹作羽係改刊初刻亦必作禹也石經此處缺

**經三十二年**

薛伯入春秋以來

閩本監本毛本作薛伯此本誤倒宋本無伯字薛上有但字

將使意如迎公

宋本迎作逆

冬黑肱以濫來奔

陳樹華云郡國志濫作藍按作藍非也而可為釋文力甘反之一證

**傳三十二年**

我受其無咎

宋本以下正義三節摠入子家子曰節注下

請囚于費

毛本于改於

以待君之察也

石經君字以下一行計九字

君一言使晉

淳熙本一字空缺

何敢復知耶

宋本足利本耶作邪是也

退而謂季孫君怒未怠

石經此行計九字

不得復自在

諸本作自在足利本後人記云異本作自存非也

賤而書名

石經而字以下一行計十一字而字似增入

在襄二十二年

宋本淳熙本岳本纂圖本足利本二年作一年是也

婉而辨

宋本此節正義在善人勸焉節之下

趙簡子夢童子羸而轉以歌

諸本作羸北宋刻釋文云本又作羸風俗通義引作裸鄭氏周禮占夢注引作保按說文作羸从衣羸聲裸羸或从果

轉婉轉也

岳本監本毛本婉作宛

庚辰有變

宋本淳熙本岳本辰作日是也

注庚日至八郢

閩本監本毛本日誤辰宋本以下正義三節摠入庚午節注下

而同而同名曰辰

補案而同字誤重

角即龍角即龍尾

宋本監本毛本即上有尾字是也

故言辰尾龍尾也

宋本上尾字作星是也

故六年也

宋本年字下有吳入郢三字與正義合

氣見於天

宋本見作是非也

楚是南方之國

宋本脫之字

五行相剋

監本毛本刻作尅

是楚彊盛之兆

諸本作兆此本誤非今改正



何故辭

宋本辭下有盟字

故不書於經也

毛本也誤之

賦丈數

諸本作丈此本誤文今改正

裁三旬而畢

宋本裁作裁字按定元年傳作城三旬而畢當依此作裁謂自庚寅裁脍三十日而

畢工也

傳三十二年

故於今猶在乾侯

纂圖本脫於字

雖疆事小爭

閩本監本疆作疆非也

則二十五年復在大梁

宋本二作三

而此年歲在星紀者

監本毛本歲誤數

以十二去之餘餘次一百四十四周七个一百四十四

年還得剌行天一周也

閩本監本毛本用作周李銳云此文舛譌不可曉以意求之當

云以十二去之餘七每次有一百四十四分周七个一百四十四年還得剌行天七次也

而得越福吳凶者

監本毛本得作云

此年歲星在牽牛

閩本監本年作是

謂二十三年二師圍郊

淳熙本師誤帥

注謂二至于今

宋本以下正義六節摠入以為成命句注下

如農夫之憂飢

纂圖本毛本飢作饑

伯父若肆大惠

石經肆字改刊初刻誤賜

弛周室之憂

淳熙本弛作弛非也

文公重耳

宋本淳熙本耳下有也字

蝥賊遠屏

毛本賊誤賤

蝥賊謂灾害

宋本岳本監本毛本謂作喻

衛彪僎曰

淳熙本正德本閩本亦作僎注同石經岳本宋本纂圖本監本毛本作僎與釋文合按說文有僎無

僣毛本衛誤魏

計所當城之丈數也

宋本淳熙本足利本無也字

仞溝洫

釋文云仞本又作刃而慎反按刃者古文假借字也

慮財用

石經宋本淳熙本岳本財作材不誤注同

賦丈

周禮大司馬職疏引作賦丈尺似以意增也

屬役謂屬聚下役也

宋本下作丁是也

上既號令丁役之事

闕本監本毛本丁誤下重脩監本令作合非也

注琥玉器

宋本以下正義入節摠入不可以假人句注

有陪貳

石經此處模糊宋本纂圖本毛本陪作倍非也

大夫刺幽王也

闕本監本毛本幽作厲非也

三后之姓於今為庶王所知也

石經宋本淳熙本岳本纂圖本監本足利本王作主是也

震為諸侯而在上

宋本淳熙本岳本在下有乾字是也

猶臣大強壯

淳熙本臣誤巨宋本強作彊

是諸侯而在天子之上

宋本侯下有之象諸侯四字

懷妊始動

宋本妊作姪非也

知有震娠而即卜也

宋本毛本卜作動非也

立僖公


淳熙本僖作喜非也

不費舊職

補案費當作廢

附釋音春秋左傳注疏卷第五十三止

春秋左傳注疏卷五十三按勘記



古今圖書集成



